

徐氏闕名雜方

隋志一卷

佚

効驗方

隋志三卷

佚

秦氏承祖藥方

隋志四十卷見三卷舊唐志作十七卷

佚

胡氏治百病方新唐志作治百病要方

隋志二卷

唐志作三卷本朝現在書目同

佚

劉敬叔曰胡道洽者自云廣陵人好音樂醫術之事體有豚氣恒以名香自防唯忌猛犬自啖死日誡弟子曰氣絕便殯勿令狗兒見我尸也死於山陽殮畢覺棺空即開者不見尸體時人咸謂狐也異苑

張果曰胡洽道士不知何許人性尚虛靜心持至道以拯救為業醫術知名醫說

釋氏僧深藥方舊唐志作集方

七錄三十卷

佚

孫思邈曰宋齊之間有釋門深師師道人迹法存等諸家舊方為三十卷其脚弱一方近有餘首十金方

又曰深師迹支法存所用永平山敷師連范祖耀黃素等諸脚弱方凡八十餘條皆是精要同上

摩訶胡口口出胡國方

七錄十卷

佚

醫籍考卷四十

醫籍考卷四十一

東都 丹波元胤紹翁 編

方論 十九

褚氏 澄 雜藥方

七錄二十卷 唐志作十二卷

佚

南齊書本傳曰褚澄字彥道初湛之尚始安公主薨納側室郭氏生淵後尚吳郡公主生澄淵事公主孝謹主愛之湛之亡主表淵為嫡澄尚宋文帝女廬江公主拜駙馬都尉歷官清顯善醫術建元中為吳郡太守豫章王廕疾太祖召澄為

治立愈尋遷左民尚書淵薨以錢萬千就招提寺贖太祖所賜淵白貂坐褥壞作裘及纓又贖淵分饋屏導及淵常所乘黃牛永明元年為御史中丞袁彖所奏免官禁錮見原遷侍中領右軍將軍以勤謹見知其年卒澄女為東昏皇后永元元年追贈金紫光祿大夫

褚氏遺書

宋志一卷

存

蕭淵序曰黃巢造變從亂群盜發人家墓掘取金寶遇大穴為方丈餘中環石十有八片形製如擲其蓋六石題曰有齊

褚澄所歸啓蓋棺骨已蛇蟻所穴環石內向文字曉然盜疑兵書移置戶外視之棄去先人偶見讀徹囑鄰鄉慎護明年具舟載歸欲送官以廣其傳遭時兵革不息先人亦不葬遺命異物終當化去神書理難久藏具以褚石為吾棺擲之石褚石隱則骸骨全褚石或興吾名亦顯淵募能者調墨治刻百本散之餘遵遺誡先人諱廣字叔常清泰二年五月十九日古楊蕭淵序

釋義地序曰靖康初金人犯順群盜乘間在處有之去揚城北二十五里陳源橋有蕭家世居其間蓋貧不能自振矣守一家甚勤曰吾十二世祖葬父于此吾家家凡數百世世惟

守此耳盜疑其起家者富而厚葬曰文窺之二家因語人曰
 吾十二世祖葬其父明經廣叔常用石刻秘經為擲從治遺
 命也已而不忍其柩有將廢之兆遂教子孫世守之耳窺者
 仍故二家因會鄉人啓視之椁棺如新刻石十有九片其一
 蓋蕭淵序也乃移柩葬居側而舉石於門外有告蕭得埋費
 者遂納石於今予時持鉢將為南嶽之歸遇蕭門結葬緣適
 見其事謾錄諸策以俟能者二年結制前五日衛國釋義堪
 書

丁少跋曰右褚澄遺書一卷初得蕭氏父子護其石而其書
 始全繼得僧義堪筆之紙而其書始全今得劉繼先鈔之本

而其書始傳亦可謂多幸矣澄字彥通河南陽翟人宋武帝
 之甥尚書左僕射湛之子廬江公主之夫齊太宰侍中錄
 尚書公淵之弟仕宋自駙馬都尉遍歷清顯仕齊至侍中領
 右軍將軍永明元年卒南史云永元元年卒誤也東昏侯立其女為皇后
 追贈金紫光祿大夫寶永元元年去其卒時已七十年矣遺
 書題其贈官豈蕭庶得其擲石考之史傳而附題於前乎初
 齊高帝愛子豫章王疑自江陵赴都得疾日錄帝憂形於色
 乃大赦天下聞澄傳揚淳秘方召澄治之愈帝喜甚擢澄左
 民尚書以寵之其守吳郡也民有李道念以公事至郡澄適
 見謂曰汝有奇扶道念曰某得冷疾五年矣澄診其脈曰非

冷也。由多食雞子所致。可煮蘇一斗服之。即吐物如升許。涎
 畏之動。挾涎出視。乃一雞雛。翅距已具。而能走。澄曰。未也。盡
 服其餘藥。從之。凡吐十三枚。疾乃瘳。其妙皆此類也。是書也。
 助簡切。多前人所未發。而豈徒哉。問子篇。稱建平王當是澄
 之妻之姪景素。具生子六。即延齡。延年。華云。嘉泰元年。日南
 至。甘泉寄士丁。似跋。

徐常吉曰。尊生秘經一卷。六朝時齊褚澄所著。唐末黃巢亂
 發其塚之石刻。維揚人蕭廣手摹之。其書始傳。事玄要言
 四庫全書提要曰。褚氏遺書一卷。舊本題齊褚澄撰。澄字彥
 適。陽翟人。褚淵弟也。尚宋文帝女廬江公主。拜駙馬都尉。入

齊為吳郡太守。官至左民尚書。事蹟見南齊書本傳。是書分
 受形。本氣。平脈。津潤。分體。精血。除疾。審微。辨書。問子。十篇。大
 旨發揮人身氣血陰陽之奧。宋史始著於錄。前有後唐清泰
 二年蕭淵序。云黃巢時。群盜發塚。得石刻。棄之。先人偶見。載
 歸。後遺命。即以褚石為槨。又有釋義堪序。云石刻得之蕭氏
 冢中。凡十有九片。其一即蕭淵序也。又有嘉泰元年丁似跋。
 稱此書得蕭氏父子護其石。而始全。繼得僧義堪筆之紙。
 而始存。今得劉義先錄之木。而始傳。云考周密癸辛雜識引
 其非女非男之身一條。則宋代已有此本。所謂刻於嘉泰中
 者。殆非虛語。其書於靈樞素問之理。頗有發明。李時珍玉肯

堂俱採用之其論寡婦僧尼必有異乎毒毒之療發前人所
 未發而論吐血便血飲寒涼百不一生存千古之龜鑑疑宋
 時精醫理者所著而偽託澄以傳然其言可採雖實本不可
 廢也中頗論精血化生之理所以辨病源戒保養耳高傷百
 川書志列之房中類則其誤甚矣

按儲泳祛疑說稱是書曰導生秘經故徐常吉從識其
 目然近世傳本未有以此題載者也

亡名氏集略雜方

隋志十卷

佚

雜藥方

隋志一卷

佚

雜藥方

七錄四十六卷

佚

雜藥方

隋志十卷

佚

湯丸方

隋志十卷

佚

雜九方

隋志十卷

佚

百病膏方

七錄十卷

佚

雜湯丸散酒煎薄帖膏湯婦人少小方

七錄九卷

佚

療下湯丸散方

七錄十卷

佚

醫方論

隋志七卷

佚

孔中即雜藥方

七錄二十九卷

佚

陽氏野藥方

七錄二十八卷

佚

夏侯氏闕名藥方

七錄七卷

佚

王氏季琰藥方

七錄一卷

佚

亡名氏治卒病方

卷

千五百八

本草綱目

七錄一卷

佚

遼東備急方

七錄三卷

佚

七錄曰都尉臣廣上

如意方

隋志十卷

佚

梁武帝所服雜藥方

卷

千五百九

本草綱目

隋志一卷

佚

坐右方

新唐志十卷

佚

陶氏弘景方

隋志三卷

佚

陶弘景曰余祖世已來務敦講方藥本有范汪方一部斟酌
詳用多護其故內護家門傍及親疏具有虛心告請者不限

貴賤皆摩踵救之凡所救活數百千人自余投繯宅攝猶不
忘此日夜詭味常覺欣欣余亦撰方三卷并效驗方五卷又
補葛氏肘后方三卷蓋欲承嗣善業令諸子姪不敢失墜可

以補身濟物者也 本草序例

效驗方

隋志六卷梁五卷 舊唐志作
十二卷

佚

靈竒秘奧 本朝現在書目
作靈竒奧秘術

宋志一卷

佚

王氏顯藥方

三十五卷

本朝現在書目有中尉王榮雜藥方一卷

佚

北魏書本傳曰王顯字世榮陽平樂平人自言本東海郊人王朗之後也祖父延和中南奔居于魯郊又居彭城伯父初上劉義隆時板行館陶縣世祖南討安上棄歸歸命與父母俱徙平城例叙陽都子除廣寧太守顯父安道女與李亮同師俱學醫學粗究其術而不及亮也安上還家樂平顯參士流顯少歷本州從事難以醫術自通而明敏有決斷才用初文昭太后之懷世宗也夢為日所逐化而為龍繞后后寤而

驚悸遂成心疾文明太后教召徐騫及顯等為后診脈騫云是微風入臍宜進湯加鍼顯云按三部脈非有心疾將是懷孕生子男之象果如顯言久之召補侍御帥尚書儀曹即號稱幹事世宗自幼有微疾久未差愈顯攝療有效因是稍蒙盼識又罷六輔之初顯為領軍十烈間通規策頗有密功累遷遊擊將軍拜廷尉少卿仍在侍御營進御藥出入禁內乞臨本州世宗嘗許之積年未授因是聲聞傳於遠近顯每與人言時旨已決必為刺史遂除平北將軍相州刺史尋詔驛還京復掌藥又遣還州元愉作逆顯討之不利入除太府卿御史中尉顯前後歷職所在著稱糾折度獄究其姦回出內

惜慎憂國如家及領憲臺多所彈劾百寮肅然又以中尉屬
 官不悉稱職諷未更授詔委改選務盡才能而顯所舉或有
 請慮未得人於是衆口誼譁聲望致損後世宗詔顯撰藥方
 三十五卷班布天下以療諸疾東宮既建以為太子詹事亦
 任甚厚世宗每幸東宮顯常近侍出入禁中仍奉醫藥賞賜
 累加為左館字寵振當時延昌二年秋以營療之功封衛南
 伯四年正月世宗夜崩肅宗踐阼顯奉藥從臨哭微為
 憂懼顯即蒙任遇兼為尚書侍勢使威為時所疾朝奉託以
 侍療無效執之禁中詔削爵位臨執呼冤直闕以刀銀撞其
 胸下傷中吐血至右衛府一宿死始顯布衣為諸生有沙門

相顯後當富貴誠其勿為吏官吏官必敗由是世宗時或欲
 其逐攝吏部每殷勤避之及世宗崩肅宗夜即位受兩冊於
 儀須兼太尉及吏部倉卒百官不見以顯兼吏部行事矣

王世榮單方

隋志一卷

佚

李氏修藥方舊唐志

隋志五十七卷本百十卷

佚

北魏書本傳曰李修字思祖本陽平館陶人父亮少學醫術

兄元孫隨軍舉啟赴平城亦遵父業而不及以功賜爵義平
 子拜奉朝請修略與兄同晚入代京歷位中散令以功賜爵
 下蔡子遷給事中太和中當在禁內高祖文明太后時有不
 豫修侍鍼藥治多有功賞賜累加車服第宅號為鮮麗實諸
 學士及工書者百餘人在東宮撰藥方百餘卷皆行于世先
 是咸陽公高允雖年且百歲而氣力尚康高祖文明太后時
 令修診視之一且奏言允脈竭氣微大命無遠未幾果亡遷
 洛為前軍將軍領太醫令後數年卒贈威遠將軍青州刺史
 子大授襲汝陽令醫術又不逮父
 亡名氏辨病形證

隋志七卷

佚

瘡論并方

隋志一卷

佚

雜要方

隋志一卷

佚

范氏世英千金方

隋志三卷

佚

徐王方

隋志五卷

佚

徐王八世家傳効驗方

隋志十卷

佚

按東海徐熙字仲融以醫著于晉宋間奕葉相傳至之
才凡六世併其族祖叔嚮及嗣伯為八世之才撰其傳
家試驗之方以為編者之才封西陽郡王故稱徐王

家傳秘方

隋志二卷

佚

陳氏山提雜藥方

舊唐志十卷

佚

北史恩倖傳曰神武時有蒼頭陳山提蓋豐樂便以驅馳便
僻頗蒙恩遇魏末山提通州刺史

雜藥方

舊唐志六卷

佚

雜九方

舊唐志一卷

佚

文氏義方通玄經崇文總目作周文義方

宋志十卷

佚

支觀通玄方本朝觀現在書目無支觀二字

宋志十卷

佚

釋氏曇鸞療百病雜九方

隋志三卷

佚

論氣治療方

隋志一卷

佚

釋氏鸞調氣方外臺秘要方引崔氏產乳序作鸞調氣方

舊唐志三卷

佚

姚氏僧坦集驗方

隋志十卷

隋志別載姚大天集驗方十二卷

卷

千五百二十二

事僧道有片

佚

後周書曰姚僧坦字法衛吳興武康人也父菩提梁高平令
 嘗嬰疾歷年乃留心醫藥梁武帝性又好之每招菩提討論
 方術言多會意由是頗禮之僧坦幼通洽居喪盡禮年二十
 四即傳家業梁武帝召入禁中面加討試僧坦酬對無滯梁
 武甚奇之時武陵王所生葛脩率患宿積時方術莫效帝令
 僧坦視之僧坦還說其林武帝歎曰卿用意綿密乃至於此
 以此候疾何疾可逃朕每留情頗識治體今聞卿說蓋聞人
 意十一年帝因發熱欲服大黃僧坦曰大黃乃是快藥然至

尊年高不宜輕用帝弗從遂至危篤梁元帝嘗有心腸疾諸
 醫咸謂宜用平藥可漸宣通僧坦曰脈洪而實此有宿妨非
 用大黃必無差理帝從而愈及大軍克荊州為燕公于謹所
 召太相禮接太祖遣使馳驛徵僧坦謹固留不遣謂使人曰
 吾年時衰暮疾疾嬰沈今得此人望與之偕老太祖以謹勳
 德隆重乃止明年隨至長安伊婁穆以疾還京請僧坦省疾
 自云自膠至臍以有三縛兩脚緩縱不復自持僧坦即診脈
 處湯三劑穆初服一劑上縛解再服中縛解又服三縛悉除
 而兩脚疼痺猶自變弱更為合散稍得屈伸至九月遂能起
 行大將軍襄陽公賀蘭隆先有氣疾加以水腫喘息奔急坐

卷

千五百二十三

事僧道有片

臥不安或有勸其服決命大散者其家疑未能決乃問僧坦
僧坦曰意謂此患不與大散相當若欲自服不煩賜問因而
去去其子殷勤拜請曰多時仰屈今日始來意不下治意實
未盡僧坦知其可羞卽爲處方諸患悉除大將軍樂平治實
集暴感風疾精神瞽亂無所覺知諸醫先視者皆云已不可
救僧坦後至云困矣終當不死若專以見付相爲治之其家
欣然僧坦爲合湯散所患卽瘳大將軍永世公叱伏列椿苦
痼疾若如僕意永世差輕對曰夫患有深淺時有克殺樂平
雖困終嘗保全永世雖輕必不免死謹曰君言必死當在何

時對曰不出四月果如其言謹歎異之文宣太后寢疾醫巫
雜說各有同異高祖引僧坦問曰太后患勢不輕諸醫並云
無慮朕人子之情可以意得君臣之義言在無隱公以爲何
如對曰臣無聽聲視色之妙特以經事已多準之常人竊已
憂懼帝泣曰公旣決之矣知復何言尋而太后崩四年高祖
親戎東討至河陰遇疾口不能言臉垂覆目不得視一足短
縮又不得行僧坦以爲諸藏俱病不可並治軍中之事莫先
於語乃處方進藥帝遂得言又治目目疾便愈未及治足疾
亦瘳比至華州帝已痊復是歲高祖幸雲陽遂寢疾乃招僧
坦趣行在所內史柳昂私問曰至尊貶膳日久脈候如何對

曰天子上應天心或當非愚所及若九度若此萬無一金尋
 而帝崩宣帝初在東宮嘗苦心痛乃命僧坦治之其疾即愈
 及即位恩禮彌隆大象二年除太醫下大夫帝尋有疾僧坦
 宿直侍疾帝謂僧坦曰今日性命唯委此人僧坦診候知帝
 危殆乃對曰臣荷恩即重恩在効力但恐庸短不逮敢不盡
 心帝領之及諡帝嗣位遷上閣府儀同大將軍隋開皇初卒
 僧坦撰集驗方十二卷行紀三卷行於世太平御覽

姚大夫單方

甄文畧一卷

本朝現在書目有雜藥方一卷姚大夫撰

佚

亡名氏集驗方

隋志十二卷

佚

名醫集驗方

隋志六卷舊唐志作三卷

佚

謝氏士泰刪繁方

唐志作謝士泰

隋志十三卷

佚

吳氏闕名山居方

隋志三卷

佚

亡名氏新撰藥方

隋志五卷

本朝現在書目作一卷

佚

釋氏莫滿單複要驗

隋志二卷

佚

釋氏道洪方

隋志一卷

佚

亡名氏雜療方

隋志十三卷

佚

雜藥酒方

隋志十五卷

佚

趙浪療潔方

隋志一卷

佚

亡名氏療百病散

隋志三卷

佚

大略九

隋志五卷

佚

靈壽雜方

隋志二卷

佚

宋氏俠經心錄

宋志作治風經錄
不著撰人名氏

隋志八卷

李朝現在書目作六卷舊唐
書本傳作十卷宋志作五卷

佚

舊唐書本傳曰宋俠者州清漳人北齊東平王文舉孝王
之子也亦以醫術著名官至朝散大夫藥藏監撰經心錄十
卷行於世

龍樹菩薩藥方

隋志四卷

佚

西域諸仙所說藥方

隋志二十三卷目一卷本二十五卷

佚

香山仙人藥方

隋志十卷

佚

西域波羅仙人方

隋志四卷

佚

西域名醫所集要方

隋志四卷本十二卷

佚

婆羅門諸仙藥方

隋志二十卷

佚

婆羅門藥方

隋志五卷

佚

耆婆所述仙人命論方

隋志二卷目一卷本三卷

佚

乾陀利治鬼方

隋志十卷

佚

新錄乾陀利治鬼方

隋志四卷本五卷闕

佚

隋煬帝初撰四海類聚單要方

隋志無隋煬帝初撰字今據唐志錄之

隋志三百卷

唐志作十卷

佚

四海類聚方

隋志二千六百卷

佚

許氏澄備急單要方

隋志三卷

本朝現在書目作新錄單要方五卷據本澄撰

佚

隋書許智藏傳曰宗人許澄亦以醫術顯父爽仕漢太常丞

中軍長史隨柳仲禮入長安與姚僧坦齊名并上儀同三司

澄有學識傳業尤盡其妙歷尚藥典御諫議大夫封賀川

縣伯父子俱以藝術名重於周隋二代

吳氏

景賢

諸病源候論

唐志無賢字

隋志五卷目一卷

唐志作五十卷

佚

巢氏元方諸病源候論

新唐志五十卷

存

宋綬序曰臣聞人之生也陶六氣之和而過則為病醫在
也求百病之本而善則能全若乃分三部九候之殊別五聲
五色之變揆盈虛於表裏審躁靜於性韻達其消息諱其
攻療茲所以輔含靈之命裨有邦之治也國家不置萬宇交
脩庶職執服於官守寬疾存乎政典皇上秉靈圖而迪
成憲奉母儀而隆至化明燭幽隱惠綍動植憫斯民之疾

苦疔嘉醫之極濟且念幅員之遼遠聞卷之窮阮籍業之
士罕盡精良傳方之家頗承疑舛四種之書或闕七年之習
未周以彼粗工肆其億度大害生理可不哀哉是形憚懼或
懷重慎以為昔之上手効應參神前五日而逆知經三折而
取信得非究源之微妙用意之詳密乎蓋診候之教學自
軒祖中古已降論著彌繁思索其精博利於衆迺下明詔
疇咨舊聞上稽聖經旁掇奇道蒐延閣之秘蘊勅中尚而
對諸病源候論者階大業中大監巢元方等奉詔所作也
會粹彙說沈研精理形脈之證固不該集明居處變欲風
濕之所感示針鏡橋引湯熨之所宜誠術藝之楷模而診

察之津涉監署課試固常用此乃命與難經素問圖經方版
 傳布海內洪惟祖宗之訓務惟存育之惠補農經之闕漏班
 禁方於遐邇速令搜採益窮元本方論之要殫矣師藥之功
 備矣將使後學優而柔之視色毫而靡衍應心手而胥驗
 大哉味百草而救枉者古皇之盛德憂一夫之失所者二帝
 之用心弭茲札瘥躋之仁壽上聖愛人之旨不其篤欤翰林
 醫官副使趙拱等參校既終繕錄以獻爰俾近者為之題辭
 顧惟空疎莫探秘顯徒以述善誘之深意用勸方來揚芳郵
 之至仁式昭大成云爾謹序

趙希弁曰巢氏病源候論五十卷右隋巢元方等撰元方大

頌

業中被命與諸醫共論衆病所起之源皇朝昭陵時詔校本
 刻續行宋綬為序

陳振孫曰巢氏病源論五十卷隋太醫博士巢元方等撰大
 業六年也惟論病證不載方藥今按千金方諸論多本此書
 業醫者可以參校

王應麟曰天聖四年十月十二日乙酉命集賢校理孫志懋
 王舉正校正黃帝內經素問難經巢氏元方病源候論五年
 四月乙未令國子監摹印頒行詔學士宋綬撰病源序
 呂復曰病源論五十卷乃隋大業中太醫博士巢元方等奉
 勅撰集原諸病候而附以養生導引諸法裒成一家之書醇

此相混蓋可見矣宋之監署乃用為課試元復隋載列醫門
之七經然附會雜採非復當時之舊吳眼者當自見之吳景
賢亦作病源一書近代不傳

即瑛曰巢氏病源一書論證論理可謂意到而辭暢者矣予
嘗惜其常時元方不附方藥使再吳之體用俱全是書真不
可及也 七修類夢

王禕曰巢元方著病源候論王砥撰天元玉冊要有皆所祖
述然元方言風寒二氣而不著濕熱之說砥推五運六氣之
變而患在滯而不通此其失也 青巖叢說

朱彝尊跋曰右諸病源候論五十卷隋太醫博士巢元方奉

敕與諸醫共論疾疢所起之源及九候之要太業六年書成
進千朝論凡一十七百二十篇言之詳矣隋唐經籍志不著
于錄而宋志有之蓋太平興國中命王懷隱王祐陳昭遇等
進聖惠方每部取元方之論冠其首神宗以之課試醫士是
編始大顯於時書錄解題謂千金方諸論多本此書考宋制
醫以巢氏論與千金翼同目為小經而千金方不與然則今
所傳孫真人書殆未足深信矣 曝書亭集

四庫全書提要曰巢氏諸病源候論五十卷隋太業中太醫
博士巢元方等奉詔撰考隋書經籍志有諸病源候論五卷
目一卷吳景賢撰舊唐書經籍志有諸病源候論五十卷吳

景撰皆不言巢氏書宋史藝文志有巢元方巢氏諸病源候論五十卷又無吳氏書惟新唐書藝文志二書茲載書名卷數茲同不應如是之相複疑當時本屬官書元方與景一為監修一為編撰故或題景名或題元方名實止一書新唐書偶然重出觀晁公武讀書志稱隋巢元方等撰是證舊本所列不止一名然則隋志吳景作吳景賢或監字之誤其作五卷亦當脫一十字如止五卷不應目錄有一卷矣此本為明汪濟川方鏡所校前有宋綬奉勅撰序老玉海載天聖四年十月十二日乙酉命集賢校理晁宗慤王舉正校定黃帝內經素問難經巢氏病源候論五年四月乙未命國子監撰

印頒行詔學士宋綬撰病源序是其事也書九六十七門一千七百二十論陳振孫書錄解題稱王肅外臺秘要諸論多本此書今動之信然又第六卷解散諸候為服食食散者而作惟六朝人有此證第二十六卷獨思病候見於北史及太平廣記者亦惟周齊時有之皆非唐以後語其為舊本無疑其書但論病證不載方藥蓋猶素問難經之例惟諸證之末多附導引法亦不言法出誰氏考隋志有導引圖三卷註曰立一坐一卧一或即以其說編入歟讀書志稱宋朝舊制用此書課試醫士而太平興國中集聖惠方每門之首亦必冠以此書蓋其時去古未遠漢以來經方脈論存者尚多又

稟集衆長共相討論故其言深審指遂非後人之所能及
經以下自張機王叔和葛洪數家書外此為最古究其真
亦可云證治之津梁矣王偉青巖叢說嘗議其唯知風寒二
氣而不著濕熱之說以為疎漏然病機萬變前人所未及言
經後人闡明者甚多不可以一節是書也

按友人山本恭庭父作諸病源候論疏證五十卷解題

一篇詳確可喜蓋其言曰今本謬誤固已甚矣且外臺

秘要引有傷寒十日至十二日候傷寒毒攻眼候今本

此題目相同重下候聖惠方引有食癩候其文即異方引有

小兒鬼詭頭候改之今本並無所見癰瘤門有多忌候

嗜眠候鼾眠候體臭候狐臭候漏掖候並與題目不相
涉知是他篇錯文則其所脫佚亦不止五候也三因方
曰巢氏病源具列一千八百餘件蓋為示病意是陳
言所見應天聖官刊其所謂即本書原數而今本唯
一十七百二十六論其為殘闕亦明矣且張從正儒門
事親引是書卷三十七帶下候文曰巢氏內篇四十四
卷云云此知原有內外之篇且其卷第亦不同也不知
今本何以差錯至此云

再按吳景賢名見于隋書夾鏡杖傳則提要有吳景監
撰之說者實係臆測然以是書為巢氏同編理似當然

姑據新唐志茲載二家之書以俟後考

甄氏立言古今錄驗方原作甄權今據唐書立言傳及李朝現在書目

舊唐志五十卷

佚

醫籍考卷四十一

醫籍考卷四十二

東都丹波元胤紹翁編

方論二十

孫氏思邈千金方

新唐志三十卷本朝現在書目作三十一卷

存

自序曰夫清濁剖判上下攸分三才肇基五行俶落萬物淳朴無得而稱燧人氏出觀斗極以定方之始有火化伏羲氏作因之而畫八卦立庖厨滋味既熟痾瘵萌起大聖神農氏愍黎元之多疾遂嘗百草以救療之猶未盡善黃帝受命創

制九鍼與方士岐伯雷公之倫備論經脈旁通問難詳究義理以爲經論故後世可得依而暢焉春秋之際良醫和緩六國之時則有扁鵲漢有倉公仲景魏有華佗並皆探曠索隱窮幽洞微用藥不過二三灸炷不逾七八而疾無不愈者晉宋以來雖復名醫間出然治十不能愈五六良由今人嗜慾泰甚立心不常嬉放縱逸有闕攝養所致耳余緬尋聖人設教欲使家家自學人人自曉君親有疾不能療之者非忠孝也末俗小人多行詭詐傍倚聖教而爲欺罔遂令朝野士庶咸耻醫術之名多教子弟誦短文搆小冊以求出身之道醫治之術闕而弗論吁可怪也嗟乎深乖聖賢之本意幻遭風

冷屢造醫門湯藥之資罄盡家產所以青衿之歲高尚茲典白首之年未嘗釋卷至於切脈診候採藥合和服餌節度將息避慎一事長於已者不遠千里伏膺取決至於弱冠頗覺有悟是以親隣中外有疾厄者多所濟益在身之患斷絕醫門故知方藥本草不可不學吾見諸方部帙浩博忽遇倉卒求檢至難比得方訖疾已不救矣嗚呼痛大枉之幽厄惜墮學之昏愚乃博採群經刪裁繁重務在簡易以爲備急千金要方一部凡三十卷雖不能究盡病源但使留意於斯者思過半矣以爲人命至重有貴千金一方濟之德踰於此故以爲名也未可傳於士族庶以貽厥私門張仲景曰當今居世

之士曾不留神醫藥精究方術上以療君親之疾下以救貧
賤之厄中以保身長全以養其生而但競逐榮歛企踵權豪
孜孜汲汲惟名利是務宗飾其末而忽棄其本欲華其表而
悴其內皮之不存毛將安傅進不能愛人知物退不能愛躬
知己卒遇邪風之氣嬰非常之疾患及禍至而後震慄身居
厄地蒙蒙昧昧斃若遊魂降志屈節欽望巫祝告窮歸天求
手受敗齋百年之壽命將至貴之重器委付庸醫恣其所措
咄嗟嗚歎厥身已斃神明消滅變為異物幽潛重泉徒為涕
泣痛夫舉世昏迷莫能覺悟自育若是何榮好之云哉則此
之謂也

舊唐書本傳曰孫思邈京兆華原人也七歲就學日誦千餘
言弱冠善談莊老及百家之說兼好釋典洛州總管獨孤信
見而歎曰此聖童也但恨其器大適小難為用也周宣帝時
思邈以王室多故乃隱居大白山隋文帝輔政徵為國子博
士稱疾不起嘗謂所親曰過五十年當有聖人出吾力助之
以濟人及太宗即位召詣京師嗟其容色甚少謂曰故知有
道者誠可尊重美門廣成豈虛言哉將授以爵位固辭不受
顯慶四年高宗召見拜諫議大夫又固辭不受上元元年辭
疾請歸特賜良馬及鄱陽公主邑司以居焉當時知名之士
宋令文孟詵盧照鄰等執師資之禮以事焉思邈嘗從事九

成宮照鄰留在其宅時庭前有病梨賦照鄰為賦其序曰癸酉之歲余臥疾長安光德坊之官舍父老云是鄴陽公主邑司昔公主未嫁而卒故其邑廢時有孫思邈處士居之邈道合古今學殫數術高談正一則古之蒙莊子深入不二則今之維摩詰身其推步甲乙度量乾坤則洛下閔安期先生之傳也照鄰有惡疾醫所不能愈乃問思邈名醫愈疾其道何如思邈曰吾聞善言天者必質之於人善言人者亦本之於天天有四時五行寒暑迭代其轉運也和而為雨怒而為風凝而為霜雪張而為虹蜺此天地之常數也人有四支五藏一竅一寢呼吸吐納精氣往來流而為榮衛彰而為氣色發

而為音聲此人之常數也陽用其形陰用其情天人之所同也及其失也蒸則生熱否則生寒結而為瘤贅陷而為癰疽奔而為喘之竭而為焦枯診發乎面變動乎形推是以及天地亦知之故五緯盈縮星辰錯行日月薄蝕字彗飛流此天地之危診也寒暑不時天地之蒸否也石立土踊天地之瘤贅也山崩土陷天地之癰疽也奔風暴雨天地之喘之也川瀆竭固天地之焦枯也良醫導之以藥石救之以鍼劑聖人和之以至德輔之以人事故形體有可愈之疾天地有可消之災又曰膽欲大而心欲小智欲圓而行欲方詩曰如臨深淵如履薄冰謂小心也赴赴武夫公侯干城謂大膽也不為

利回不為義疾行之方也見機而作不俟終日智之圓也思
 邈自云開皇辛酉歲生至今年九十三矣詢之鄉里咸云數
 百歲人詒周齊間事歷歷如眼見以此參之不啻百歲人矣
 然猶視聽不衰神采甚茂可謂古之聰明博達不死者也初
 魏徵等受詔脩齊梁陳周隋五代史恐有遺漏屢訪之思邈
 口以傳授有如目觀東臺侍郎孫處約將其五子從徵後佑
 佺以謁思邈思邈曰後當先貴佑當晚達佺最名重禍在執
 兵後皆如其言太子詹事盧齊卿童幼時請問人倫之事思
 邈曰汝後五十年位登方伯吾孫當為屬便可自保也後齊
 卿為徐州刺史思邈孫溥果為徐州蕭縣丞思邈初謂齊卿

之時溥猶未生而預知其事凡諸異迹多此類也永淳元年
 卒遺令薄葬不藏冥器祭祀無牲牢經月餘顏貌不改舉死
 就木猶若空衣時人異之自註老子莊子撰千金方三十卷
 行於代又撰福祿論三卷攝生真錄及枕中素書合三教論
 各一卷子行天授中為鳳閣侍郎

段成式曰孫思邈嘗隱終南山與宣律師和尚相接每往來互
 參宗旨時大旱西域僧請於昆明池結壇祈雨詔有司備香
 燈九七日縮水數尺忽有老人夜詣宣律師和尚求救曰弟子
 昆明池龍也無雨久非由弟子胡僧利弟子腦將為藥欺天
 子言祈雨命在旦夕乞和尚法力加護宣公辭曰貧道持律

而已可求孫先生老人因至思邈石室求救孫謂曰我知昆
明龍宮有仙方三千首爾傳與予將救汝老人曰此方上帝
不許妄傳今急矣固無所怙有頃捧方而至孫曰爾特選無
慮胡僧也自是池水忽漲數日溢岸胡僧羞而死孫復著
千金方三十卷每卷入一方人不得曉西陽雜俎

林億等序曰昔神農編嘗百藥以辨五苦六辛之味逮伊尹
而湯液之劑備黃帝欲創九鍼以治三陰三陽之疾得岐伯
而砭艾之法精大聖人有意於拯民之瘼必持賢明博通之
臣或為之先或為之後然後聖人之所為得行於永久也醫
家之務經是二聖二賢而能事畢矣後之留意於方術者苟

知藥而不知灸未足以盡治療之體知灸而不知針未足以
極表裏之變如能兼是聖賢之蘊者其名醫之良乎有唐真
人孫思邈者乃其人也以上智之材抱康時之志當太宗治
平之際思所以佐迺后庇民之事以謂上醫之道真聖人之
政而王官之一守也而乃祖述農黃之旨發明岐聖之學經
撥扁鵲之難方採倉公之禁仲景黃素元化綠性葛仙翁
之必效胡居士之經驗張苗之藥對叔和之脈法皇甫謐之
三部陶隱居之百一自餘郭玉范汪僧垣阮炳上極文字之
初下訖有隋之世或經或方無不採摭集諸家之所秘要去
衆說之所未至成書一部總三十卷目錄一通臟腑之論針

艾之法脈證之辨食治之宜始婦人而次嬰孺先脚氣而後
 中風傷寒癰疽消渴水腫七竅之病五石之毒備急之方養
 性之術總篇二百三十二門合方論五十三百首莫不全
 可驗四種兼包厚德過於千金遺法傳於百代使二聖二賢
 之美不墜于地而世之人得以階近而至遠上識於三皇之
 奧者真人善述之功也然以俗尚險怪我道純正不可述刻
 腹易心之異世務往者我書浩博不可道聽塗說而知是以
 學寡其人寢以紛靡賢不繼世簡編斷缺不知者以異端見
 黜好之者以闕疑輟功恭惟我朝以好生為德以廣愛為仁
 迺詔儒臣正是隆學臣等術謝多通職專典校於是請內府

而

之秘書探道藏之別錄公私衆本搜訪幾遍得以正其紕繆
 補其遺佚文之重複者削之事之不倫者緝之編次類聚有
 月功至綱領雖有所立文義猶或疑阻是用端本以正末如
 素問九墟靈樞甲乙太素靈源諸家本草前古脈書金匱玉
 函肘后備急謝士秦刑繁方劉涓子思遺論之類事關所出
 無不研核尚有所闕又泝流以討源如五鑿經千金翼崔
 氏纂要延年秘錄正元廣利外臺秘要兵部手集夢得傳信
 之類凡所派別無不考理互相質正反覆稽參然後遺文疑
 義煥然悉明書雖是舊用之惟新可以濟丞靈俾明聖好生
 之治可以傳不朽副主上廣愛之心非徒為太平之文致寔

可佐皇極之錫福校讐既成繕寫伊始恭以上進展備親覽
 太子右贊善大夫臣高保衡尚書都官員外郎臣孫奇尚書
 司封郎中充秘閣校理臣林億尚書工部侍郎兼侍講臣錢
 象先謹上

葉少蘊曰孫真人為千金方兩部說者謂凡修道養生者必
 以陰功協濟而後可得成仙思邈為千金前方時已百餘歲
 因以妙盡古今方書之要獨傷寒未之盡似未盡通仲景之
 言故不敢深論後三十年作千金翼論傷寒者居半蓋始得
 之具用志精審不苟如此今通天下言醫者皆以二書為司
 命也思邈之為神仙固無可疑然唐人猶記中間有用蠅虫

水蛭之類諸生物命不得升舉天之惡殺物者如是則欲治
 人者豈不知之避暑錄詒

趙希弁曰千金方三十卷右唐孫思邈撰思邈博通經傳洞
 明醫術著用藥之方脈之訣針灸之穴禁架之法以至導
 引養生之要無不周悉後世或能窺具一二未有不為名醫
 者然議者頗恨其獨不知傷寒之數云

陳振孫曰千金方三十卷唐處士孫思邈撰自為之序名曰
 千金備急要方以為人命至重有貴千金一力濟之德踰於
 此其前類例數十條林億等新纂

喬世寧序曰千金方世罕刻本華州舊有石刻千金寶要所

選取僅十之一。今蜀廣中板行者是也。後得建寧李頌金，乃又脫誤不可讀。間嘗欲覽古遂生之說，究極悠遠，顧安得盡據也。其書為唐孫真人思邈所著，蓋刪輯上古以來醫書，定為此編也。史稱公道治古今學殫術數，今攷其書信然。自華佗以後一人而已。世以其遺書神驗，遂傳為龍宮所授。以余所見新唐書與真人自序，皆不道龍宮事。其說在道經續仙傳中，是道家別奇侈稱，希異為勝耳。世俗傳譌既久，而學士大夫亦往往稱焉。何也？世又有別刻海上救急二方，皆贗本。依託尤大謬誤人者。余覽之，益悵然慨焉。故為校定千金方。正李余父封君命余弟世定自刻於家，將以示世之好孫公

者。建寧李類三十卷，今依道經定次為九十三卷。云余又得孫公四言詩一首，其暢發玄旨，備矣。顧其詩不盛傳，而近世獨稱嘆世吟，此鄙誕無足采者。決非孫公語。世何以稱焉？世又傳孫公嘗騎虎山行，益甚要眇無徵者。或云龍虎坎離道家煉氣之說，而傳者誤耶。余覽載籍，孫公蓋深隱獨行之士，與玄學所述高士類也。其云膽欲大，心欲小，智欲圓，行欲方，古今以為名言，但其論攝養事，多似老子。乃舊唐書遂列之。方技其後道經類說前定錄，酉陽雜俎，湘山野錄諸書，益多附載。諸怪異事，誣矣。誣矣。余嘗欲列孫公事蹟，稍為論次，其事俾覽者信焉。會自刻千金方成，因辨證其畧如此。以俟洽

聞者訂議焉孫公華原人今為余耀州地城東三里為五臺山其上蓋有真人洞云真人所著又有馬陰內傳一卷煉雲母訣二卷攝養錄二卷氣訣一卷燒煉秘訣一卷龍虎通玄訣一卷龍虎亂日篇一卷福壽論一卷枕中素書一卷會三教論一卷龍虎論一卷龜經一卷算經一卷五兆經訣一卷福祿論三卷將續求刻之嘉靖二十二年夏四月十三日承德郎南京戶部貴州司署郎中耀州喬世寧序

錢曾曰千金方三十卷孫思邈雍州之華原人救昆明池龍得仙方三十首散入此書中逐卷一方後人無從辨之新刻本攙改偽謬不可是正此猶是原書也讀書故未記

張璠曰自云生于開皇乃托辭也如果生於隋何周宣帝時便以王室多故隱居太白山耶千金方衍義

徐大椿曰仲景之學至唐而一變仲景之治病其論藏府經絡病情傳變悉本內經而其所用之方皆古聖相傳之經方並非私心自造間有加減必有所本其分兩輕重皆有法度其藥悉本于神農本草無一味游移假借之處非此方不能治此病非此藥不能成此方精微深妙不可思議藥味不過五六品而功用無不周此乃天地之化機聖人之妙用與天地全不朽者也千金方則不然其所論病未嘗不依內經而不無雜以後世臆度之說其所用方亦採擇古方不無兼取

後世偏禱之法其所用藥未必全本於神農兼取禱方單方及通治之品故有一病而立數方亦有一方而治數病其藥品有多至數十味者其中對證者固多不對證者亦不少故治病亦有効有不効大抵所重尚在于藥而古聖製方之法不傳矣此醫道之一大變也然其用意之奇用藥之功亦自成一家有不可磨滅之處 醫學源流論

王鳴盛曰舊唐書方伎孫思邈傳上文明云周宣帝時隱太白山隋文帝輔政徵為博士此何以自云開皇辛酉歲生開皇辛酉隋文帝在位之二十一年是年改元仁壽至照鄰作序之年癸酉是唐高宗在位之二十四年咸亨四年當云年

七十三思邈蓋不欲以長生不死驚駭世人故自隱其年而詭詞云開皇辛酉生故云以此參之不啻百歲人矣非自相矛盾也但七十三而云九十三者此傳刻之誤也原本亦誤舊書於傳末直云永淳元年卒更不言年若干蓋的年實無可考而以上文歷叙者參詳之則自是百餘歲人不言不知矣新書則改云永淳初卒而又添一句云年百餘歲永淳之號本只二年初與元年有何分別何必作而所添之句則反成贅疣凡宋祁之務欲自炫其長而實則無加于舊者多如此 十七史高雅

四庫全書提要曰千金要方九十三卷唐孫思邈撰思邈華

原人唐書隱逸傳稱其少時周洛州刺史獨孤信稱為聖童及長隱居太白山隋文帝輔政以國子博士徵不起則思貌生於周朝入隋已長然盧照鄰病梨賦序稱癸酉歲於長安安見思貌自云開皇辛酉歲生今年九十二則思貌生於隋朝照鄰乃思貌之弟子記其師言必不妄惟以隋書考之開皇紀號凡二十年止於庚申次年辛酉已改元仁壽與史殊不相符又由唐高宗咸亨四年癸酉上推九十二年為開皇二年壬寅實非辛酉干支亦不相應然自癸酉上推九十三年正得開皇元年辛丑蓋照鄰集傳寫譌異以辛丑為辛酉以九十三為九十二也史又稱思貌卒於永淳元年年百餘

歲自是年上推至開皇辛丑正一百二年數亦相合則生於後周隱居不仕之說為史誤審矣思貌嘗謂人命至重貴於千金一方濟之德踰於此故所著方書以千金名凡診治之訣鍼灸之法以至導引養生之術無不周悉猶慮有闕遺更撰翼方輔之考鼎陳諸家著錄載千金方千金翼方各三十卷錢曾讀書敏求記所載卷數亦同又謂宋仁宗命高保衡林億等校正刊行後列禁經二卷合二書計之止六十二卷此本增多三十一卷疑後人併為一書而離析其卷帙葉夢得避暑錄話稱思貌作千金前方時已百餘歲妙盡古今方書之要獨傷寒未之盡似未盡通仲景之言故不敢深論後

三十年案百餘歲及三十年之說皆因仍舊誤今姑仍原文錄之作千金翼論傷寒者居半蓋始得之其用精審不苟如此云云則二書本相因而作亦相濟為用合之亦未害宏旨也太平廣記載思邈嘗救昆明池龍得龍宮三十首散入千金方各卷之中蓋小說家附會之談固無足深辨焉

按是書原三十卷其析為九十三卷者道藏中所輯耀州喬世定錄出刊之詳見于兄世寧序中提要不識其說妄為傳會之談可謂踈矣僧法藏華嚴傳記作六十卷是併前後二方而言之也

千金翼方

新唐志三十卷

存

自序曰原夫神醫秘術至曠參於道樞寶餌凝靈立功決於真幽知關蒼玄牡駢歷之功已深籌策天機全生之德為大稽炎農於紀錄資太一而反營魂鏡軒后於遺編事岐伯而宣藥力故能嘗味之績鬱騰天壤診體之教播在神靈醫道由是濫觴時義肇基於此亦有志具大者高密問紫文之術先其遠者伯陽流玉冊之經擬斯壽於乾坤豈伊難老傳厥齡於龜鶴詎可蠲痾為迺大道之真以持身抑斯之謂也若其業濟含靈命懸於手則有越人徹視於腑臆秦和洞達於

膏肓仲景候色而驗眉元化劉暘而洵胃斯皆方軌疊跡思
 韞入神之妙極變探幽精超絕代之巧晉宋方位既共無繼
 齊梁醫術曾何足云若夫醫道之為言是惟意也固以神存
 心手之際意折毫芒之裏當其情之所得口不能言數之所
 在言不能踰然則三部九候迺經絡之樞機氣少神餘亦鍼
 刺之鈞輒况乎良醫則貴察聲色神工則深究萌芽心者錙
 銖安假懸衡之驗敏同機駭曾無挂髮之淹非天下之至精
 其孰能與於此是故先王錄之于玉板往聖藏之以金匱豈
 不以營壘至道括囊其曠者歟余幼智茂聞先成無已才非
 公幹夙嬰沈疾德真士守早纏疴瘵所以志學之歲馳百金

而徇經方老及之年竟三餘而勤藥餌酌華公之錄映異術
 同窺採壽生之玉函竒方畢綜每以生者兩儀之大德人者
 五行之秀氣氣化則人育伊人秉氣而存德合則生成是生
 曰德而立既知生不再於我人處物為靈可榮蘊靈心闕頤
 我性源者由檢押神秘幽求今古撰方一部號曰千金可以
 濟物攝生可以窮微盡性猶恐岱山臨月必昧秋毫之漏雷
 霆在耳或遺玉石之響所以更撰方翼三十卷共成一家之
 學譬輓軌之相濟運轉無涯等羽翼之交飛搏搖不測矧大
 易道深矣孔宣繫十翼之辭玄文奧矣陸績增玄翼之說或
 必斯義述此方名矣貽厥子孫永為家訓雖未能譬言中庶

比澗上池亦足以慕遠測深稽門叩鍵者哉儻經目於君子
庶知余之所志焉

林億等序曰臣聞方伎之學其來遠矣上古神農播穀賞藥
以養其生黃帝岐伯君臣問對垂於不刊為萬世法中古有
長桑扁鵲漢有陽慶倉公張機華佗晉宋如王叔和葛稚川
皇甫謐范汪胡洽深師陶景之流凡數十家皆祖述農黃著
為經方迨及唐世孫思邈出誠一代之良醫也其行事見諸
史傳撰千金方三十卷辨論精博囊括衆家高出於前輩猶
慮或有所遺又撰十金翼方以輔之一家之書可謂大備矣
其書之得於今訛舛甚雖洪儒碩學不能辨之仁宗皇帝

諸

詔儒臣校正醫書臣等今校定千金翼方謂乎物之繁必先
得其要故首之以藥錄彙要凡治病者宜別藥之性味故次
之以本草人之生育由母無疾故次之以婦人疾病之急無
急於傷寒故次之以傷寒然後養其少小故次之以小兒人
身既立必知所以自養故次之以養生養生者莫善於養氣
故次之以辟穀氣之盈乃可守間故次之以退居退居者當
事補養故次之以補益若補益失宜則風痰乃作故次之以
中風風者百病之長也邪氣緣而畢至故次之以雜病又次
之以萬病愈疾者必資乎大藥故次之以龍鍊乳石性堅之
服生熱故次之以瘡癰衆多之疾源于脈證故次之以色脈

色脈既明，乃通胸穴，故次之以鍼灸，而禁經終焉。總三十卷，目錄一卷。臣以爲晉有人，欲刊正周易及諸樂方，與祖訥論。祖云：辨釋經典，縱有異同，不足以傷風教。至於湯藥，小小不逮，則後人受弊不少。是醫方不可以輕議也。臣等不敢肆臆，見妄加塗竄，取自神農以來書，行於世者，而質之有所未至，以俟來者。書成繕寫，將預聖覽。恭惟皇帝陛下，天縱深仁，孝述前烈，刊行方論，拯治生類，俾天下家藏其書，人知其學，皆得爲忠孝，亦皇風之高致焉。太子右贊善大夫臣高保衡尚書都官員外郎臣孫奇、太常少卿充秘閣校理臣林億等謹上。

又後序曰：夫疾病之至急者有三：一曰傷寒，二曰中風，三曰瘡癰。是三種者，療之不早，或治不對病，皆死不旋踵。孫氏撰千金方，具中風瘡癰，可謂精至，而傷寒一門，皆以湯散膏丸類聚成篇，疑未得其詳矣。又著千金翼三十卷，辨論方法，見於千金者十五六，惟傷寒謂太醫湯藥雖行，百無一效，乃專取仲景之論，以太陽方證比類相附，三陰三陽宜忌，霍亂發汗吐下後陰易勞復病爲十六篇，分上下兩卷，亦一時之新意。此於千金爲輔翼之深者也。從而著之論曰：傷寒熱病自古有之，名賢濬哲，多所防禦。至於仲景，特有神功，尋思旨趣，莫測其致，有以見孫氏尊而神之心也。是二書者，表裡相

明至纖至悉無不該備世又傳千金髓者觀其文意殊非孫氏所作乃好事者為之耳王道集外臺秘要方各載所出亦未之見似出於唐之末代博雅者勿謂其一家書也至於合藥生熟之宜炮炙之制分兩升斗之齊並載千金凡例中此不著云爾

趙希弁曰千金翼方三十卷右唐孫思邈撰思邈著千金方復綴集遺軼以羽翼其書成一家之學林億等謂首之以藥錄次之以婦人傷寒小兒養性辟穀退居補益雜病瘡癰也脈鍼灸而禁經終焉者皆有指意云

陳振孫曰千金翼方三十卷孫思邈撰千金方既成恐其或

遺也又為此以翼之亦自為序其末兼至禁術用之亦多驗

書錄解題

王肯堂序曰醫書不經秦火而上古禁方流傳於世者無一為今獨張仲景方最古其次莫如孫真人千金方如是止矣真人以應化聖賢現神仙身行良醫事其所著書杖玄扁傾秘笈宜不涉世情一字顧房中補益篇稍類泥水而婦人左腎膀胱兩部中雜出滄蝶不典之方於養生濟物無當也疑為後人附益非真人手澤後獲千金翼方於故友徐士彰諫議家則前所疑者悉無有而釋氏玄門千金不傳之秘前書所不及者徃徃而見於是益知此為真人晚年定本其視前

書一出，一入，何止隻字千金而已。按仙傳拾遺及宣室志記，真人以永淳初元尸解，開元中，復有人見隱於終南山，與宣律師往還，因拯昆明池龍，胡僧之難，得龍宮方三十首，且感神人之誠，去千金方藥之害，物命者，以草木代之，作千金翼三十篇，每篇有龍宮仙方一首。今按服水法中有云：武德中，龍齋此卷授余，則得龍宮方，非尸解後明甚，然亦可以證龍宮方之實者，而非好事者寓言也。方中時有用物命者，豈亦後人附益耶？抑傳者妄也？千金方收入道藏，今關中江右皆有刻，乃至宋元刻本，藏書家多有之，而獨翼方不傳，道藏亦不載，世多有不聞其名者，豈世人業重仙真秘之神物，呵禁

不容穿窺耶？三從子廷鑑以母病，欲刻醫書，冀獲真祕，請於余，余以此書授之，而表弟孫仲來助，余校訂尤力，苦無它本，雙松其烏烏帝虎之謫，灼然無疑者，然後改正，不然，寧仍其舊，以俟他日得宋刻善本而更之，故譌不可讀者，時有同好，幸無訝焉。得者當起殷重心，生難遭想，心真人之心，行真人之行，而後可以用真人之方，其為真人不難矣。此則余與廷鑑刻是書意也。萬曆乙巳十月八日，余以謝諸公之枉，予先慈者，舟抵武林，德勝壩大雨不可登岸，蓬窓黽闔無聊，而廷鑑遣使來告書成，且徵序，因書以歸之。念西居士王肯堂字泰

按王宇泰刊本較之家藏元板不唯誤文居多甚至脫數十頁元板目錄末有大德乙未良月梅溪書院刻梓木記先考得之于城東醫生白氏其文字端雅卷帙完好惜使王氏校刊之日不祝是善本

千金髓方

新唐志二十卷

佚

按本事方有云千金髓有腎氣攻背項強一證則其書南宋時猶存矣

又按朝鮮國醫方類聚引有千金月令一書醫官小島

學古尚質就以採輯得說一十九首方三百二十一首

檢其文義與千金方實出一手決非贗鼎矣按新唐志

農家類云孫氏千金月令三卷孫思邈宋志作齊殆此

書也而陶九成說郭烏第六十九載有其書僅舉節物

十二條蓋是以時令為主因以及醫方者故附于此

郭氏思千金寶要

八卷

存

自序曰孫真人千金方一部三十卷三百一十八門門中各有論論下各有方論以論說人所以得病之由君子小人皆

宜熟知方以治人之已病而人有未嘗得見此集者并藥有物多而難合者貧下細民因此不獲治療枉壞軀命者可勝言哉况一州一縣幾家能有千金方而有者亦難於日日示人因此孫君之仁術仁心格而不行處有之鬱而不廣處有之孫君此書上本黃帝岐伯次祖扁鵲華佗張仲景陳延之衛汜王叔和小品肘后龍宮海上而下及當時之名公方論藥術并自撰經試者世皆知此書為醫經之寶余亦緊嘗閱諸家方書內唯千金一集號為完書有源有證有說有方有古有今有取有捨關百聖而不懶貫萬精而不惑以儒書擬之其醫師之集大成者歟唐之盧照隣謂思跪高談正一則

古之家莊深入不二則今之摩詰斯言得其深致矣思久欲闡揚此書以廣之海內而在公牽迫終不克遂今休閑矣遂取千金方中諸論逐件條而出之以告人使人知防之於未然之前又將千金方中諸單方逐件列而出之以示人使人知治之於已病之後其思家與知識家經用神驗者亦附之其中各別稱說買巨石刊之以廣其傳以救急者為先以稍可待者為次以尋常大病為三以尋常次病為四孫君之書以婦人小兒為首以男子婦人雜病為後思今皆依之而特取諸病目前文急者為首此思急於救人推行孫君之妙法本意也謹敢以千金寶要命篇誓施萬本長者仁人當共斯

善宣和六年四月初一日徽猷閣直學士通奉大夫致仕河

陽郭忠謹序

秦王守中序曰千金寶笈者宋徽猷閣直學士郭忠按唐孫
真人先生所集千金方中纂要者也宣和六年忠曾刻石于
華州公署我明正統八年華州知州劉整重刻景泰六年和
州楊勝賢以石刻之月不使摹印易刊木板往年春予得之
喜其方之簡便藥之近易購不煩而取効速信有切于人之
實用迥珍如拱璧不容自秘已命壽之梓矣竊惟寶笈纂自
真人千金方中天下之遊羅州真人洞者歲無虛日而無虛
時顧獨不立石于真人洞前非所以廣其傳也因刻于洞前

云隆慶六年歲在壬申春三月上吉秦王守中識

李海玄題詞曰此書初得華州石刻其論最多繼得華州木
刻及蜀中及郭武定木刻其論猶華之石刻也其門類錯亂
者茲皆類明拾遺一段茲皆附之各類小兒兩類併而為一
為其便于檢閱也其間有字句之謬可以意會者乃敢更之
中有文字高古不能讀者不敢輒易乃仍舊焉自千金論起
至若有所舉重段止以欲人知所避忌也自五勞七傷有小
腹痛起至婦人新產上廁段止既無治法又無令人避忌之
意自五勞段數至第二十二段中有凡是病者皆復服之之
句後淋閉論末又云悉服之立驗或亦萬病玉壺各有所主

也因併及之

錢曾曰郭思十金寶笈八卷宣和六年河陽郭思取十金方中諸論逐件條而出之使人知治于已病之後并附經用神驗者各別稱說推行孫真人妙法之本意仍以十金寶笈名篇賞巨石鐫之立于華州公解吾家墨刻舊本字畫完整古香襲人暇日當取以校對始知是本之佳否也

孫星衍序曰十金寶笈十七卷附論及十金須知爲十八卷宋宣和時郭學士思從孫徵君思邈所撰十金方撰要刻石華州公署自明正統景泰間俱有木石刻本至隆慶六年秦王守中復刊石耀州真人洞四庫書未及收錄余遊關中得

其榻本藏笈中符家徵君生於後周卒於唐永淳之代葉夢得避暑錄詒稱其作十金前方時已百餘歲後三十年作十金翼段成式西陽雜俎則謂昆明池龍宮有仙方三十首徵君因救龍得之因上帝不許妄傳復著十金方三十卷每卷入一方十金方本與十金翼方爲二書是以舊唐書本傳止載十金方三十卷晁公武陳振孫書目則云各三十卷今俗本十金翼方九十三卷不知何人更其次第十金前方竟不可別此宣和時擇要本當從前方錄出者龍宮仙方在其內真世間秘異之書不可不廣其傳以公同志書中謂今俗稱豆瘡爲小兒丹毒又有反花瘡元人奇效良方始謂之瘡疹

可護俗人謂此疾出於近代者非也。蓋死人可救，落水人經一宿猶可活。倉卒間不知其方，書備其術，尤為濟人之仁術。世之從政者，不師益公撤市勿擾之言，惟株累鍛鍊之是務。置一切積貯水利農田學校利益於人之事於不問，以致傷元氣，感召災殃，誠不如尋覽方書，胸中常有活人之念，為善最樂，在此不在彼矣。

按孫季述所刻併附論及千金須知俱為八卷，與讀書敏求記所載符，其分門九十七篇。季述序曰：是書十七卷，合論及須知為十八卷，恐是失檢。序又曰：俗本千金翼方九十三卷，不知何人更其次弟，千金前方竟不可

別考是以喬世定所刻前方為翼方者，何錯誤至此乎。

張氏學樹千金寶要補

三卷

存

自序曰：此宋徽歆閣直學士郭思按唐孫真人千金方而纂其簡易者也。宣和六年，思刻石于華州。我明正統八年，知州劉整重刻。景泰六年，知州楊勝賢以石刻艱於摹印，易刻木板，而傳稍廣焉。但字多譌舛。隆慶六年，秦王復勒石于耀州真人洞前，為文學謝治書，稍正其譌，而門類錯亂，有以滯下方混于小兒丹毒方中者。余恐其誤人，乃求全本千金要方。

並王宇泰太史新刻千金翼方分門考訂又按仙傳所載真人著千金三十篇每篇有龍宮仙方一首政恐郭氏尚在掛漏間以己意擇而補之其上各加一補字者不敢失郭氏原本也嗟嗟真人神化濟世全在千金一書今海內僅見關中江右刊行二板而時醫亦鮮能習之蓋非苦其方之珍繁則憚于繁之炮煉雖神奇應驗理在目前其如不明不行何哉郭氏所纂不過采其倉卒救急藥劑而易辨者以便民耳若其全本首婦人次嬰孺次男子次鍼灸專引養生攝生以至服食所載飛鍊鍾乳雲母五色石英等法採製松脂茯苓黃精枸杞等方種種具備誠遵而行之小可療疾大則

延年耳食者乃反以為忌嚇以為不可試也噫此何異認上味醍醐為毒藥也哉余欲訪宋元道藏訂證全方覓一有力者刊行以廣真人弘濟之意徒有具志而未逮也倘遇真人冥祐假以餘年庶得竟未竟之願耶金陵醫士程初陽文格徐呂深經洪皆篤信真人藏有千金方而善用之者若藥恒所文應范華宇應春同力校正得並書泰昌庚申歲重九日蜀梓州張學懋誌

張氏 千金方衍義

三十卷

存

自序曰易云眇能視跛能履明乎非所能而自以為能不自知其才德之兼絀也余自歎固陋之經國濟世之略生遭世變瑣尾流離迄永清大定而後章句之流落株守蓬廬惟有軒岐性命之學日尋繹焉而不倦時吾里有李璋懷茲者與余為膠漆契博聞強記潛心醫學君子人也所可議者務博而不知所宗淺涉而未探奧喜與之究玉函金匱及千金方一書非不有識堪資而未所謂恢心貴當尚有憾焉深歎述古之難如昌黎所云補苴罅漏張皇幽眇洵非未學所可幾也夫長沙為醫門之聖其立法誠為百世之師繼長沙而起者惟孫真人千金方可與仲景諸書頡頏上下也伏讀三十

卷中法良意美聖謨洋洋其辨治之條分縷晰製方之反激逆從非神而明之其孰能與於斯乎余自束髮授書以來即留心是道曩所輯緒緒二論及醫通一十六卷付梓行世深歎學識迂疎僅可為後學自適自卑之一助迄今桑榆存望尚欲作蠅螂不朽亦自愚矣而此書不為之闡發將天下後世竟不知有是書深可懼也因不揣愚昧彙取舊刻善本參互考訂逐一發明其反用激用之法貫串而昭揭之其于針灸一門闕以俟專家補之俾學者開卷了然胸無窒礙取宋刻本仍隸三十卷做趙以德敷衍金匱之義又殊愧敷衍成文爰名曰千金方衍義後之君子有以討論修飾授之剞劂

亦斯書之幸甚余不學無術老無思慮意之所致信筆成書
殆所謂眇之能視不足以有明跛之能履不足以與行也康
熙歲次戊寅十一月既望八十二老人石頑張璐踏玉序
孫氏思適醫家要妙

宗文總目五卷

佚

醫籍考卷四十二

醫籍考卷四十三

東都丹波元胤紹翁編

方論二十一

蘇氏遊玄感傳屍方

宋志作蘇嶠玄感傳屍方蘇嶠誤

舊唐志一卷

佚

許氏孝宗後中方

宋志作一卷

新唐志三卷

佚

按新唐志作許孝宗誤今改正蓋孝宗顯慶四年與太子

勳等同修本草圖經者任至尚藥奉御

亡名氏延年秘錄

舊唐志十二卷

崇文總目作十卷

佚

崔氏知悌纂要方

新唐志作崔行功

舊唐志十卷

佚

按是書舊新唐志所記崔氏名不同今據外臺秘要方所引考之若灸骨蒸法圖註曰崔氏別錄骨蒸灸方圖并序中書侍郎崔知悌撰出第七卷中云似是出于知

悌者然蘇沈內翰良方載崔氏增損理中丸稱西晉崔行功方則未知孰是也再考外臺又載崔氏療鬼氣辟邪惡阿魏藥安息香方後有今時任度支郎中語又小續命湯方下曰余昔至戶部員外郎患風疹又云余曾任殿中少監以狀設向說名醫徵之舊新唐書崔知悌及行功傳無是官銜特大中十二年唐技所進郎官石柱題名戶部員外郎有崔知悌名則知其出于知悌者仍據舊志定為知悌書矣良方稱行功為西晉人此以其方後有予以告領軍韓康伯右衛毛仲祖光祿王道預量即顧君苗著作殷仲堪之語也然崔氏所援諸書

若大小前胡湯金牙散並稱出胡洽療腎蒸蒼梧道士
方後載蘇遊玄感論又載薛公調氣方劉涓子甘草湯
則知是書決非晉人所著至加減理中丸是崔氏採阮
河南等方論者也

王氏勃醫語纂要

勃文畧作醫
語纂要論

宋志一卷

佚

舊唐書本傳曰王勃字子安絳州龍門人六歲解屬文構思
無滯詞情英邁與兄勳才藻相類父友杜易簡常稱之曰
王氏三珠樹也勃年未及冠應幽素舉及第乾封初詣闕上

震遊東岳頌時東都造乾元殿又上乾元殿頌沛王賢聞其
名召為沛府修撰甚愛重之諸王聞難互有勝負勃戲為檄
英王難文高宗覽之怒曰據此是交構之漸即日斥勃不令
入府久之補虢州參軍勃恃才傲物為同僚所嫉有官奴曹
達犯罪勃匿之又懼事洩乃殺達以塞口事發當誅會赦除
名時勃父福峙為雍州司戶參軍坐勃左遷交趾令上元二
年勃往交趾省父道出江中為採蓮賊以見意其辭甚美渡
南海陷水而卒時年二十八
新唐書本傳曰勃嘗謂人子不可不知醫時長安曹元有
秘術勃從之游盡得其要

孟氏說必効方

舊唐志十卷

佚

補養方

舊唐志三卷

佚

楊氏闕名大僕醫方

乃初新書作楊本難方

新唐志一卷註曰失名天授二年上

佚

張氏文仲隨身備急方

新唐志三卷

佚

舊唐書本傳曰張文仲洛州洛陽人也少與鄉人李虎縱京兆人韋慈藏並以醫術知名文仲則天初為侍御醫時特進蘇良嗣於殿廷因拜跪便絕倒則天令文仲慈藏隨至宅候之文仲曰此因憂憤邪氣激也若痛衝脇則劇難救自朝候之未及食時即苦衝脇絞痛文仲曰若入心不可療俄頃心痛不復下藥日盱而卒文仲尤善療風疾其後則天令文仲集當時名醫共撰療風氣諸方仍令麟臺監王方慶監其脩撰文仲奏曰風有一百二十四種氣有八十種大體醫藥雖

同人性各異庸醫不達藥之性使冬夏失節因此殺人唯脚
氣頭風上氣嘗須服藥不絕自餘則隨其發動臨時消息之
但有風氣之人春未夏初及秋暮要得通洩即不因劇於是
撰四時常服及輕重大小諸方十八首表上之文仲久視年
終於尚藥奉御撰隨身備急方三卷行於代

法家論

宋志一卷

佚

王氏方慶隨身左右百發百中備急方

十卷

佚

按右見于舊唐書本傳與張文仲所撰其目相類唯卷
帙不同豈文仲就方慶之書節抄成編者歟

元氏帝聲行要備急方

宋志一卷

佚

按外臺秘要方載張文仲療諸風方九首稱元侍郎希
聲集

段氏元亮病源手鏡

新唐志一卷

佚

伏氏通醫死

新唐志一卷

佚

吳氏昇蘇敬徐王唐侍中三家脚氣論

宋志一卷

據外臺抄要方當作二卷

佚

王焘曰吳氏竊尋蘇長史唐侍中徐王等脚氣方身經自患三二十年各序氣論皆有道理具述文冗備說醫方咸言摠試但有效驗比來傳用實愈非虛今撰此三本勒為二卷色

類同者編次寫之仍以朱題蘇唐徐姓號各於方論下傳之門內以救疾耳外臺抄要方

玄宗開元廣濟方

新唐志五卷

佚

舊唐書玄宗紀曰開元十一年九月己巳頒上撰廣濟方於天下仍令諸州各置醫博士一人

王應麟曰天寶五載八月癸未詔廣濟方令郡縣長吏撰其要者錄于大板以示坊村

天寶單行方

佚

按右見于證類本草積雪草圖經註

劉氏貺真人肘后方

新唐志三卷

佚

舊唐書劉子玄傳曰子玄子貺博通經史明天文律曆音樂醫善之術終於起居即修國史撰六經外傳三十七卷續說苑十卷太樂合璧記三卷真人肘后方三卷天官舊事一卷王氏煮外臺秘要方

新唐志四十卷

存

自序曰昔者農皇之治天下也嘗百藥立九候以正陰陽之變診以救性命之昏札俾厥土宇用能康寧廣矣哉洎周之王亦有冢卿格于醫道掌其政令聚毒藥以供其事焉歲終稽考而制其食十全為上失四下之我國家率由茲典動取厥中置醫學頒良方亦所以極元氣之和也夫聖人之德又何以加乎此系故三代常道百王不易又所從來者遠矣自雷岐倉緩之作彭扁華張之起迨茲厥後仁賢間出歲且數千方逾萬卷專車之不受廣廈之不容然而載祀綿遠簡編虧替所詳者雖廣所略者或深討簡則功倍力煩取捨則論

日忘苦永言筆削未暇尸之余幼多疾病長好醫術遭逢有道遂躋亨衢七登南宮再拜東掖便繁臺閣二十餘載久知弘文館圖籍方書等錄是觀奧升堂皆探其祕要以婚姻之故貶守房陵量移大寧郡提携江上冒犯蒸暑自南徂北既僻且陋染瘴嬰痾十有六七死生契闊不可問天賴有經方僅得存者神功妙用固難稱述遂楚憤刊削庶幾一隅凡古方彙得五六十家新撰者向數千百卷皆研具總領覈其指歸近代釋僧深崔尚書孫處士張文仲孟同州許仁則吳昇等十數家皆有編錄並行於代美則美矣而未盡善何者各擅風流迥相矛盾或篇目重雜或高較繁蕪今並味精英鈐

其要妙俾夜作晝經之營之捐衆賢之矻矻撥群才之翠羽皆出入再三伏念旬歲上自炎昊迄於盛唐括囊遺闕稽考隱秘不愧盡心焉客有見余此方曰嘻博哉學乃至於此耶余荅之曰吾所好者壽也豈進於學哉至於遁天倍情懸解先覺吾常聞之矣投藥治疾庶幾有膠平又謂余曰粟生受形咸有定分藥石具如命何吾甚非之請論其目夫喜怒不節飢飽失常嗜慾攻中寒濕傷外如此之患豈由天乎夫為人臣爲人子自家刑國由迹兼遠何談之容易哉則聖人不合啓金縢賢者曷爲條玉板斯言之玷竊爲吾子羞之客曰唯唯嗚呼齊梁之間不明醫術者不得爲孝子曾閔之行宜

其用心若不能精究病源，深探方論，雖百醫守疾，衆藥聚門，適足多疑而不能一愈之也。主上尊賢重道，養壽祈年，故張王李等數先生繼入，皆欽風請益，貴而尊之，故鴻寶金匱青囊綠帙，往往而有，則知日月所照者遠，聖人所感者深。至於養神養和，休老補病者，可得聞見也。余敢採而錄之，則古所未有，今並繕緝，而能事畢矣。若乃分天地至數，別陰陽至候，氣有餘則和其經渠以安之，志不足則補其復溜以養之，溶液液調上調下，吾聞其語矣，未遇其人也不誣。方將請侯來哲，其方凡四十卷，名曰外臺秘要方，非敢傳之都邑，且欲施於後賢，如或詢謀，亦所不隱。是歲天寶十一載，歲在執除。

月之哉，生明者也。

新唐書王珪傳曰：珪，孫素性，至孝。爲徐州司馬，母有疾，彌年不廢帶視絮湯劑，數從高醫游，遂窮其術。因以所學作書，號外臺秘要，討繹精明，世寶焉。歷給事中，鄴郡太守，治聞於時。孫兆序曰：夫外臺者，刺史之任也。秘要者，秘密樞要之謂也。唐王素、臺閣二十餘年，又知弘文館，得古今方，上自神農，下及唐世，無不採摭，集成經方四十卷，皆諸方秘密樞要也。以出守于外，故號曰外臺秘要方。凡一百一十四門，以巢氏病源諸家論辨，各冠其篇首，一家之學，不爲不詳。王氏爲儒者，醫道雖未及孫思邈，然而採取諸家之方，頗得其要者，亦

崔氏孟詵之論也。且古之如張文仲集驗小品方，最爲名家。今多亡逸，雖載諸方中，亦不能別白。王氏編次各題名號，使後之學者皆知所出，此其所長也。又謂鍼能救生，人不能起死人，其法云亡且久，故取灸而不取鍼，亦醫家之弊也。此方撰集之時，或得缺落之書，因其闕文義理不完者多矣。又自唐歷五代，傳寫其本，訛舛尤甚。雖鴻都祕府亦無善本。國家詔儒臣較正醫書，臣承命，自其書方證之重者刪去，以從其簡。經書之異者，註解以著其詳。魯魚亥豕，煇然明白。臣謂三代而下，文物之盛者，必曰西漢。正以侍醫李柱國較方位，亦未嘗命儒臣也。臣雖濫吹儒學，但盡所聞見，以脩正之。有所

闕疑以待來哲。總四十卷，并目錄一卷。恭惟主上盛德承統，深仁流化，頌此方論，惠及區宇，贊天地之生育，正萬物之性命，使歲無疵癘，人不文橫，熙熙然樂於聖造者也。前將仕郎守殿中丞同校正醫書臣孫兆謹上。

洪邁曰：外臺祕要載制虎方，稱到山下先閉云云。虎卽走，予謂人卒逢虎，魂魄驚怖，竄伏之不暇，豈能雍容步趨，仗兒語七字而脫取，因讀此方，聊書之以發一笑。此書乃唐王珪之孫彥所作，本傳云：彥視母疾，數從高醫游，遂窮其術，因以所學作書，討繹精明，世寶焉。蓋不深考也。容齋四筆

趙希弁曰：外臺祕要方四十卷，右唐王彥撰彥之序云：嘗得

古方書數千百卷因述諸病證候別集方藥并檢鍼灸之法
 陳振孫曰外臺秘書四十卷唐鄴郡太守王燾撰自為序天
 寶十一載也其書博采諸家方論如肘後千金世尚多有之
 至於小品深師崔氏許仁則張文仲之類今無傳者猶聞見
 於此書大凡醫書之行于世皆仁廟朝所校定也按會要嘉
 祐二年置校正醫書局於編集院以直集賢院掌書高錫休
 校理張洞校勘蘇頌等並為校正後又命孫奇高保衡孫北
 同校正每一書畢即奏上億等皆為之序下國子監板行並
 補注本草圖經十金翼方金匱要略傷寒論悉從摹印天下
 皆知學古方書嗚呼聖朝仁民之意溥矣

王禕曰王燾外臺秘書所言方證并法灼爇文甚詳然謂鍼能
 殺生人而不能起死人則一偏之論也音巖菴

徐大椿曰唐王燾所集外臺一書則纂集自漢以來諸方滙
 萃成書而歷代之方於焉大備但其人本非尚家之學故無
 所審擇以為指歸乃醫方之類書也然唐以前之方類此書
 以存其功亦不可泯但讀之者苟胸中無成竹則眾說紛紜
 群方淆雜反茫然失其所據醫學源流論

四庫全書提要曰外臺秘書四十卷唐王燾撰燾鄆人王珪
 孫也唐書附見珪傳稱其性至孝為徐州司馬母有疾燾年
 不廢帶視絮湯劑案視絮二字未詳然王珪所引數從高醫

游遂窮其術因以所學作外臺秘要討繹精明世寶為歷給事中鄴郡太守執文志載外臺秘要四十卷又外臺要略十卷今要略又佚惟秘要尚傳此本為宋治平四年孫兆等所校明程行道所重刻前有天寶十一載燾自序又有皇祐二年內降劄子及北校上序其卷首題林億等名考書錄解題引宋會要云云則卷首題林億名乃統以一局之長故有等字也燾居館閣二十餘年多見宏文館圖籍方書其作是編則成於守鄴時其結構稱持節鄴郡諸軍事兼守刺史故曰外臺案倚覽齋雜記曰外臺見唐高元裕傳書錄解題作故事三司監院官帶御史者號外臺外臺秘要方自序亦同唐書及孫兆序中皆無方字蓋相沿

省其文耳書分一百四門皆先論而後方其論多以巢氏病源為主每條下必詳註原書在某卷世傳引書註卷第有李涪刊誤及程大昌演繁露而不知例創於燾可以見其詳確其方多古來專門秘授之遺陳振孫在南宋末已稱所引小品深師崔氏許仁則張文仲之類今無傳者猶間見於此書今去振孫四五百年古書益多散佚惟賴燾此編以存彌可寶貴矣其間及禁術蓋千金翼方已有此例唐小說載賈耽以十年梳治蟲瘕為異聞其方乃出於此書第十二卷中宋小說載以念珠取誤吞漁鈎為奇伎其方乃在今八卷中又唐制臘日賜口脂面藥今不知為何物其方亦具在三

說載何昇稱服五石散令人神情開朗玉臺新詠有姬人怨
 服散詩蓋江左以來用為服食之術今無所用又二十八卷
 載猫鬼野道方與巢氏病源同亦南北朝時鬼病唐以後絕
 不復聞然存之亦足資考訂也衍道刻此書頗有校正惟不
 甚解唐以前語與後世多異如痢門稱療痢稍較衍道註曰
 較字疑誤考唐人方言以稍可為校故薛能黃蜀葵詩有記
 得玉人春病校句馮班校才調集辨之甚明衍道知其有誤
 而不知較為校誤猶為未審然大致多所訂定故今亦竝存
 焉

按外臺有三義遼周書王會解曰受贊者八人東面者
 四人陳幣當外臺又魏志王肅傳註曰薛夏太和中以
 公事移蘭臺蘭臺自以臺也而秘書署耳推使當有坐
 者夏報之曰蘭臺為外臺秘書為內閣臺閣一也何不
 相移之有又唐書高元裕傳所載三司監院官帶御史
 者趙升朝野類白安撫轉運提刑提舉實分御史之權
 亦似漢繡衣之義而代天子巡狩也故曰外臺考王肅
 所以命是書其自序署曰銀青光祿大夫持節鄴郡諸
 軍事兼守刺史上柱國清源縣開國伯而不載帶御史
 則提要所謂是編成於守鄴時故稱外臺者恐未的確

自序又曰兩拜東掖便繁臺閣二十餘歲久知弘文館
 圖籍方書等錄是觀奧升堂皆探其秘要云據此其義
 取魏志蘭臺為外臺之謂者也先考弟子江本松菴
 曰王肅傳所謂視祭湯藥者提要以為未詳誤曲禮云
 毋絮羹鄭玄註絮猶調也釋文絮勅慮反謂加以鹽梅
 也視絮即調劑之義也

外臺要略

新唐志十卷

佚

徒都子膜子外氣方宋志作膜外氣方

崇文總目一卷

佚

聖濟總錄曰諸家方書論水氣甚詳未嘗有言膜外氣者唐
 天寶間有徒都子者始著膜外氣方書本未完具自成一家
 今併編之然究其義本於肺受寒邪傳之於腎腎氣虛弱脾
 土又衰不能制水使水濕散溢於肌膚之間氣攻於膜膜之
 外故謂之膜外氣其病令人虛脹四肢腫滿按之沒指是也
 鄭樵曰膜外氣方即水氣也

德宗貞元集要廣利方

新唐志五卷

佚

舊唐書德宗紀曰貞元十二年正月乙丑上制貞元廣利樂

方五百八十六首頌降天下太平御覽作親高之制序最題于天下通衢具方總六千三種

三百八十六首

陸氏贊集駁方新唐書本傳作合古集駁方五十篇

新唐志十五卷

佚

舊唐書本傳曰贊在忠州十年常閉關靜處人不識其面復避謗不著書家居瘴鄉人多癘疫乃抄撮方為陸氏集駁方五十卷行於世

葉夢得曰陸宣公在忠州集古方書五十卷史云避謗不著書故事兩避謗不著書可也何用集方書哉或曰忠州邊蠻夷多瘴癘宣公多疾蓋將以自治尤非也宣公豈以一己為休戚者乎是殆援人於疾若死亡而不得者猶欲以是見之在它人不可知若宣公此志必矣避暑錄話

趙希弁曰陸宣公經駁方二卷右唐陸宣公贊在忠州時所集而山陰陸游所跋也或問朱文公曰陸宣公既貶避謗闔門不著書抵為古今集駁方云此亦未見陸宣公是處豈無聖經賢傳不以傳可以玩索可以討論

楊萬里跋曰陸宣公之貶也杜門集古方書而已或曰避謗

者歟或曰窮而不怨也揚子曰宣公之心利天下而已矣其
用也則醫之以奏議其不用也則醫之以方書有用有不用
者宣公之身也宣公之心亦有有用有不用乎哉文集

李氏暄嶺南脚氣論

新唐志一卷

佚

新唐書宰相世系表曰李暄長州主簿

脚氣方

新唐志一卷

佚

青溪子萬病拾遺宋志作李暄

新唐志三卷

佚

消渴論

新唐志一卷

佚

甄文畧曰青溪子消渴論一卷唐李暄撰

脚氣論

新唐志三卷

佚

宗文總目曰新撰脚氣論三卷李道撰

按據宗文總目統文署青溪子即李道別號也宋志作

李温豈有所避而改者歟

亡名氏袖中備急要方

新唐志三卷

佚

鍼灸眼藥禁忌

新唐志五卷

佚

衛氏當醫門金寶鑑以統文署作醫門金鑑

新唐志三卷

佚

醫籍考卷四十三

醫籍考卷四十四

東都 丹波元胤紹翁 編

方論 二十二

亡名氏嶺南急要方

新唐志二卷

佚

賈氏耽備急單方

新唐志一卷

佚

新唐書本傳曰賈耽字敦詩滄州南皮人天寶中舉明經補

臨清尉上書論事徙太平河東節度使王思禮署為度支判
官累進邠州刺史治凡九年政有異績召授鴻臚卿兼左右
威遠營使俄為山南西道節度使梁崇義反東道耽進屯穀
城取均州建中三年徙東道德宗在梁耽使司馬樊澤奏事
澤還耽大置酒會諸將俄有急詔至以澤代耽召為工部尚
書俄為東都留守貞元九年以尚書右僕射同中書門下平
章事俄封魏國公順宗立進檢校司空左僕射時王叔文等
干政耽病之屢移病乞骸骨不許卒年七十六贈太傅諡曰
元靖耽嗜觀書老益勤尤悉地理至陰陽雜數罔不通其器
慨然蓋長者也

劉氏 禹錫傳信方

新唐志二卷

佚

唐才子傳曰劉禹錫字夢得中山人貞元九年進士又中博
學宏詞科工文章時王叔文得幸禹錫與之交嘗稱其有筆
相器朝廷大議多引禹錫及柳宗元與議禁中判度支鹽鐵
按憑藉其勢多中傷人御史竇群劾云挾邪亂政即日罷憲
宗立叔文敗斥朗州司馬州梅夜即俗信巫鬼每祠歌竹枝
鼓吹俄延其聲信傳禹錫謂屈原居沅湘間作九歌使楚人
以迎接神乃倚聲作竹枝辭十篇武陵人悉歌之始生叔文

貶者雖赦不原宰相哀其才且困將深用之乃悉詔補遠州
刺史諫官奏罷之時久落銀鬢不自抑其吐辭多諷訛遠
言感權臣而憾不釋久之召選欲任南省郎而作玄都觀者
花君子詩語譏之當路不喜又謫守播州中丞裴度言播猿
狖所宅且其母年八十餘與子死決恐傷陛下孝治請稍內
遷乃易連州又徙夔州後由和州刺史入為主客郎中至京
後遊玄都詠詩且言始謫十年還輦下道士種桃其盛若霞
又十四年而來無復一存唯兔葵燕麥動搖春風耳權近聞
者益薄其行裴度薦為翰林學士俄分司東都遷太子賓客
會昌時加檢校禮部尚書卒公恃才而放心不能平行年益

吳偃寔寡合乃以文章自適善詩精絕與白居易酌唱頗多
嘗推為詩豪曰劉君詩在處有神物護持有集四十卷今傳

薛氏弘慶 兵部牛集方

新唐志三卷註曰兵部尚書李絳所傳方弘慶太和河中少
尹

佚

薛氏景晦 古今集驗方

新唐志十卷註曰元和刑部郎中貶道州刺史

佚

崔氏元亮 海上集驗方

新唐志十卷

千六百三十六

新唐志十卷

佚

新唐書本傳曰崔玄亮字晦叔磁州昭義人貞元初擢進士第索署諸鎮幕府父喪客高郵卧苦終制地下濕因得痺病不樂進取元和初召爲監察御史累轉駕部員外郎清慎外特澹如也稍遷密欽二州刺史欽人馬牛生駒犢官籍蹄數故吏得爲茲玄亮焚其籍一不問民山處輸租者苦之下令許計斛輸錢民賴其利歷湖曹二州辭曹不拜太和四年繇太常少卿改諫議大夫朝廷推爲宿望拜右散騎常侍每遷官輒讓形於色鄭注構宋申錫捕逮倉卒內外震駭玄亮幸

諫官叩延英苦諍反復數百言文宗未諭玄亮置笏在陛曰孟訶有言衆人皆曰殺之未可也卿大夫皆曰殺之未可也天下皆曰殺之然後察之乃真於法今殺一凡庶當摺典律况欲誅宰相乎臣爲陛下惜天下法不爲申錫言也俯伏流涕帝感悟衆亦服具不撓絲此名重朝廷頃之移疾歸東都召爲魏州刺史卒年六十六贈禮部尚書玄亮晚好黃老清靜術故所居官未久輒去遺言山東士人利便也皆葬兩都吾族未嘗遷當歸葬滏陽正首丘之義諸子如命

鄭氏注藥方

新唐志一卷

千六百三十七

新唐志一卷

佚

按新唐書鄭注絳州翼城人世微賤以方伎遊江湖間
大和未仕至檢校尚書左僕射鳳翔隴右節度使與李
訓等謀誅宦者事敗被殺

韋氏宙集驗獨行方

新唐志十二卷

佚

新唐書韋丹傳曰丹子寅推蔭累調河南府司錄參軍李玘
表河陽幕府宣宗謂宰相墀曰丹有子否以寅對帝曰與好
官乃拜侍御史三遷度支郎中盧鈞節度太原表寅為副時

回鶻已破諸部入塞下剽殺吏民鈞欲得信重更視邊寅請
往自定襄雁門五原絕武州塞略雲中踰旬注補見商象鑄
論之視亭障守卒增具粟約吏不得擅以兵侵諸戎犯者死
於是三部六蕃諸種皆信悅召拜吏部良中出為永州刺史
還為大理少卿久之拜江西觀察使政簡易南方以為世官
遷嶺南節度使南詔陷交趾撫兵積備以幹聞加檢校尚書
左僕射同中書門下平章事咸通中卒

玉壺備急方

崇文總目作別集
玉壺備急大方

宋志三卷

崇文總目
作一卷

佚

司空氏與發始錄

新唐志一卷註曰圖文大中時商州刺史

佚

舊唐書司空圖傳曰圖文與精史術大中初戶部侍郎盧弘
正領鹽鐵奏與為安邑兩池稅鹽使檢校司封郎中先是鹽
法條例疎濶吏多犯禁與乃特定新法十條奏之至今以為
便入朝為司門員外郎遷戶部郎中卒

許氏詠六十四問

宋志作六十四問方抄
要方註曰詠一作泳

新唐志一卷

佚

按新唐書宗室傳曰永安壯王孝基曾孫涵子軻負元
初為饒州別駕孝高以善歌入宮因御醫許泳通書坐

誅宋志註作許泳豈其人歟

音羅子道光通元秘要術崇文總目無音羅子道
光五字不著撰人名氏

新唐志三卷註曰失姓咸通人

佚

葉氏長文啓玄子元和紀用經

宋志一卷

存

工部尚書許寂序曰昭皇在御余嘗布衣奉詔講易禁殿忤言

致仕

驚俗尋乞還山茹芝採藥與羽人梁自然為山水師友丹竈之外博究經方採世活人歲十百數春和秋爽多歷名山一日授余啓元三章曰君食熟酪可施此藥余雖敬受莫測其所謂也後辟兵入蜀方悟熟為蜀因施藥治人多獲康愈由是蜀人遂無天柱同光從王入朝齒髮已衰旋乞致仕卜林泉於洛居歲餘又悟酪為洛自洛人得藥起死者不可勝數白牛師語歷驗無差食於蜀食於洛余神其事乃書經之首以傳後世

程永培跋曰宋史藝文志載有啓元子和紀用經一卷世傳絕少李時珍著本草綱目引用方書無所不採而獨遺此卷或未嘗寓目耶王肯堂準繩曾引其說以後諸家絕未見有用其

方者今按此卷乃傳自越之許叔本曰明山道士後至蜀歷官至尚書蜀降唐遂家於洛寂於蜀洛兩郡治人病無不愈余偶得之如獲至寶是夜虛室生白乃此書之光也執方療病輟應手愈第本有闕字然本亦不刊留之以待補者余乃據啓元子素問原註補之尚有不及補者則目力所限考據難周又不敢參以私意仍留本以俟博覽君子

按乾隆中程永培刊六醴齋叢書收有是書無葉長文序題云唐啓玄子王冰著又有許叔本所言虛謬難信然檢其文決非宋以後物且與陳氏三因方所引相合則要為古書無疑矣

蘇氏越群方秘要方宋志註案一作會

新唐志三卷

佚

李氏繼皋南行方崇文總目作南得方

新唐志三卷崇文總目作十卷

佚

唐宣成公太和濟字方嘉興唐宣成公四字今據藝文畧錄之宋志作濟安

崇文總目五卷宋志作一卷

佚

白氏仁叙唐興集驗方

新唐志五卷

佚

包氏會應驗方

新唐志一卷宋志作三卷

佚

梅氏崇獻方梅文舉作道

新唐志五卷

佚

醫門秘錄

崇文總目五卷

佚

姚氏和衆延齡至寶方

舊作童延齡至寶方今據苑文
畧改訂崇文總目作姚和撰誤

新唐志十卷

佚

錢侗曰延齡至寶方十卷姚和撰按唐志宋志延齡上並有
衆童二字通志略刪去童字作姚和衆撰以衆字併爲人名
謬矣後醫書類五有保童方一卷宋志亦作姚和衆撰則又
承通志之誤

按唐志延齡上有衆童二字者是上文有姚和衆童子
秘訣二卷故誤添此字錢侗謂以衆字併爲人名謬此
說反非證類本草多引姚和衆方

李氏昭明高臺集

新唐志三卷

佚

陳氏元北京要術

新唐志一卷註曰元爲太原少尹崇文總目
作二卷

佚

冊府元龜曰陳元京兆人家世爲醫後唐明宗朝爲太原少
尹集平生驗方七十五首并修合藥法百件號曰要術刊石
置於太原府衙之左以示於衆病者賴焉

按元立二字必有一誤五代史後唐明宗紀天成元年

八月甲寅醫官張志忠為太原少尹別不載陳氏為

係闕文歟

亡名氏醫鑑

崇文總目一卷

佚

證病源

崇文總目五卷

佚

張氏亦新集普濟方

宋志五卷

佚

冊府元龜曰周張詠顯德初進新集普濟方五卷詔封翰林

院考試尋以詠為翰林醫官

劉氏編經用方書

三十卷

佚

冊府元龜曰劉翰顯德初進經用方書一部三十卷論候一

十卷今體治世集二十卷上覽而嘉之乃以為翰林醫官其

書付史館

論候

十卷

佚

全體治世集

劉翰宋志作劉翰全體崇文總目作全體治世集金體文畧冊府元龜作今體並訛

宋志三十卷

崇文總目作三卷

佚

偽蜀羅氏

普宜

廣正集

宋志無廣正集三字

苑文畧一百卷

佚

偽蜀吳氏

群意醫紀曆

廿苑文畧一卷

佚

亡名氏法家論語

崇文總目一卷

佚

問醫療訣

苑文畧作素問醫療訣

崇文總目一卷

佚

石氏

昌璉

明醫顯微論

舊脫明字據苑文畧訂補

崇文總目一卷

佚

亡名氏大元新論

宗文總目一卷

佚

金匱錄

宗文總目五卷

佚

王氏顏續傳信方

魏文暉作備唐王顏撰

宗文總目十卷

佚

華氏宗壽昇元廣濟方

魏文暉作備唐華宗壽撰

卷

宗文總目十卷

佚

張氏叔和叔和新書病總要略

宋志新書作新集

宗文總目一卷

佚

葉氏傳古醫門指要用藥立成訣

宋志作葉傳右醫門指要訣

宗文總目一卷

佚

孫氏扁金鑑方

唐關名氏今據宋志錄秘文畧作孫兼

宗文總目三卷

佚

李氏鉞新修榮衛養生用藥補瀉論宋志作李越

宗文總目十卷

佚

亡名氏博濟安衆方

宗文總目二卷宋志作三卷

佚

集諸要妙方

宗文總目一卷

佚

纂集韓待詔肘後方

宗文總目一卷

佚

鄭氏闕名惠心方

宗文總目三卷

佚

纂秘要藥方

宗文總目二卷宋志作三卷

佚

圃田通元秘術方宋志作圃田通元方

崇文總目三卷

佚

惠民方

崇文總目一卷

宋志作三卷

佚

亡名氏抄要藥方

崇文總目一卷

佚

裴氏考封新集應病通神方

舊闕名氏今據此

崇文總目一卷

宋志作三卷

佚

王氏守愚普濟方

崇文總目五卷

佚

崔氏闕名應驗方

崇文總目一卷

佚

亡名氏塞上方

崇文總目三卷

佚

備急方

崇文總目一卷

佚

刪繁要略方

崇文總目一卷

佚

備急簡要方

崇文總目一卷

佚

病源丸經魏文畧
九作北

崇文總目一卷

佚

醫明要略

崇文總目一卷

佚

問答病狀

崇文總目一卷

佚

問病錄

崇文總目一卷

佚

蕭氏存禮百一問答方

崇文總目三卷

佚

安氏文恢萬全方

舊闕名氏今據宋志錄宋志註全一作金執文畧作安悝

崇文總目三卷

佚

亡名氏集諸纂驗方

崇文總目一卷

佚

雜藥方

崇文總目一卷

佚

錄驗備急諸方

崇文總目一卷

佚

諸家明方

崇文總目一卷

佚

段氏詠走馬備急方

宋志詠一作詠

崇文總目一卷

佚

亡名氏秘要方

崇文總目一卷

佚

千金纂錄

崇文總目二卷

佚

還元丹方

崇文總目一卷

佚

養生益壽備急方

崇文總目一卷

佚

巾箱集

崇文總目一卷

佚

王氏關名秘方

崇文總目五卷

佚

沈氏承澤集妙方舊闕名氏今據宋志錄沈承

崇文總目三卷

佚

亡名氏川玉集菴文畧作穿玉

崇文總目一卷

佚

骨蒸論

崇文總目一卷

佚

蕭氏宗簡水氣論舊闕名氏今據宋志錄宋志注蕭一作簡

崇文總目三卷

佚

朱氏元朴風疾論

崇文總目一卷

佚

亡名氏五癆論

崇文總目一卷

佚

吳氏希言風論仙朮經宋志作山朮經注北一作朮

崇文總目二卷宋志作一卷

佚

醫門拾源方

宋志一卷

佚

章氏秀言草木諸藥單方

舊闕名氏今據宋志錄此文畧作張秀言

崇文總目一卷

佚

亡名氏奏問單方

菴文畧作秦問

崇文總目一卷

佚

單方

崇文總目一卷

佚

王氏朝昌新集方

崇文總目二卷

佚

李氏八百方

崇文總目一卷

佚

亡名氏返魂丹方

卷

崇文總目一卷

佚

通元秘錄

崇文總目三卷

佚

孔氏周南靈方志

崇文總目一卷

佚

蔣氏淮療黃歌

崇文總目一卷

佚

亡名氏靈奇壁奧

崇文總目三卷

佚

西京曹氏水氣論

崇文總目一卷

佚

揚氏天業三十六種風論

崇文總目一卷

佚

華氏頭醫門簡要

宗文總目十卷

佚

醫籍考卷四十四

醫籍考卷四十五

東部 丹波元胤紹翁 編

方論 二十三

王氏懷隱等太平聖惠方舊作懷德 訛今訂正

宋志一百卷

存

太宗御製序曰朕聞皇王治世撫念為本法天地之覆載同日月以照臨行道德而和慘舒煩寒暄而知盈縮上從天意下契群情同憚焦勞以從人欲乃朕之願也且夫人稟五常藥治百病能知疾之可否究藥之德應者則世之良醫也至

如風雨有不節之勞，喜怒致非理之患，疾由斯作，蓋自物情苟非窮達其源，窺測其奧，徒煩服食以養於壽命，消息可保於長生矣。自古同今，多乖攝治疾之間，起積之於微，勢兆已形，未諸服餌，方既弗善，藥何救焉。書曰：藥不瞑眩，厥疾弗瘳。誠哉是言也。且如人守之道，經絡如泉，或馳騁性情，乖類形體，莫知傷敗，致損壽齡，蓋由血脈榮枯，肌膚盛弱，貪其嗜欲，不利機關，及至虛羸，不防他故，四時逆順，六氣交爭，醫者自知愚者未達，是以聖人廣慈仁義，博愛源深，故黃帝盡岐伯之說，號君信越人之術，揆度者明於切脈，指歸者探于幽玄，論之則五音自和，聽之則八風應律，譬猶影嚮，無不相從。求

妙劑繁備，諸方冊討，尋精要演說，無所不周，詮括簡編，探賾悉聞，盡善莫不，老秘密搜隱微大矣哉。為學乃至於此，取則知天不愛其道，而道處其中，地不愛其寶，而寶會其內，夫醫者意也，疾生於內，藥調於外，醫明其理，藥効如神，觸類而生，參詳變易，精微之道，用意消停，執見庸醫，證候難曉，朕昔自潛邸，未集名方，異術玄針，皆得其要，兼收得妙方十餘首，無非親驗，並有準繩，貴在救民，去除疾苦，并徧於翰林醫官院，各取到經手家傳，應効藥方，合萬餘道，令尚藥奉御王懷隱等四人較勘編類，凡諸論證，並該其中品藥功效，悉載其內，凡候疾之深淺，先辯虛實，次察表裡，然可依方用藥，則無不

愈也。廣使天高地厚，明王道之化成，春往秋來，布群黎之大惠。昔炎帝神農氏長於葷水，始教民播種，以省熟生，嘗味草木，區別藥性，救夭傷之命，延老病之生，黔首日用而不知聖人之至德也。夫醫道之難，昔賢猶病，設使誦而不能解，解而未能別，別而未能明，明而未能盡，窮此之道者，其精勤明智之士歟。朕尊居億兆之上，常以百姓為心，念五氣之或乖，恐一物之失所，不盡生理，朕甚憫焉。所以親閱方書，俾令撰集，冀溥天之下，各保遐年，同我生民，躋於壽域。今編勒成一百卷，命曰太平聖惠方，仍令雕刻印版，徧施華夷，凡爾生靈，宜知朕意。

宋史本傳曰：王懷隱，宋州睢陽人，初為道士，住京城建隆觀，善醫診。太宗尹京，懷隱以湯劑祇事。太平興國初，詔歸俗，命為尚藥奉御。三遷至翰林醫官使。三年，吳越遣子惟濟入朝，惟濟被疾，詔懷隱視之。初，太宗在藩邸，暇日多留意醫術，藏名方千餘首，皆嘗有驗者。至是，詔翰林醫官院各具家傳經驗方以獻，及萬餘首，命懷隱與副使王祐、鄭奇、醫官陳昭遇參對編類，每部以隋太醫令巢元方病源候論冠其首，而方藥次之，成一百卷。太宗御製序，賜名曰太平聖惠方，仍令鐫板頒行天下。諸州各置醫博士，掌之。懷隱後數年卒。

名方異術太平興國中內出親驗者十餘首乃詔醫局各上家傳方書命王懷隱王祐鄭彥陳昭遇校正編類各於編首著其疾證淳化初書成御製序引

陳振孫曰太平聖惠方一百卷太平興國七年詔醫官使尚藥奉御王懷隱等編集御製序文淳化三年書成

王應麟曰太宗留意醫術自潛邸得妙方十餘首太平興國三年詔醫官院獻經驗方合萬餘首集為太平聖惠方百卷凡千六百七十門萬六千八百三十四首并序論物目錄每部以隋巢元方病源候論冠其首凡諸論證品藥功效悉載之目錄一卷御製序淳化三年二月癸未賜宰相李昉參政

黃中沆樞臣仲舒準五月己亥頒天下諸州置醫博士掌之

何氏希彭聖惠選方

統文畧六十卷

佚

蔡襄後序曰生者天地之德成者聖人之業運化流物隨之不遺生之理至矣推本興治安而有倫成之道著矣是故作天下之美利者具聖人之事乎傳稱神農味百草皇帝錄內經以除民疾其術能死者生而大者壽以言乎功雖大禹之疏濟水驅龍蛇湯武之用金革戡禍亂特救患於一時孰與無窮之賴乎故曰作天下之美利者皆聖人之事也宋富

天命出九州之人於火鼎之中吹之濯之太宗皇帝平一字
 內極所覆之廣又時具氣息而大蘇之乃設官賞金繒之利
 購集古今名方與藥石診視之法國醫詮次類分百卷號曰
 太平聖惠方詔頒州郡傳於吏民然州郡承之大率嚴管鑄
 謹曝涼而已吏民莫得與其利焉閩俗左醫右巫疾家依巫
 作祟而過醫之門十絕二三故醫之傳益少余治州之明年
 議錄舊所賜書以示於衆郡人何希彭者通方伎之學凡聖
 惠方有異域環奇怪誕難致之物及金石草木得不死之篇
 一皆致之酌其便於民用者得方六千九十六希彭謹舊註
 御自守為鄉閭所信因取其本臚載於版列牙門之左右所

以導聖主無窮之澤滄究于下又晚人以依巫之謬使之歸
 經常之道亦刺史之要職也慶曆六年十二月八日右正言
 直史館知軍州事蔡某序文集

亡名氏聖惠經用方

統文畧一卷

佚

賈氏黃中神醫普救方

宋志二十卷目十卷

佚

宋史本傳畧曰賈黃中字媪民滄州南皮人唐相耽四世孫

父玘字仲寶，晉天福三年進士，解褐，宋初為刑部郎中，終水部員外郎，知浚儀縣。年七十卒。黃中幼聰悟，方五歲，玘每旦令正立，展書卷比之，謂之草，身書課其誦讀。六歲舉童子科，七歲能屬文，觸類賦詠。父常令蔬食，曰：「俟業成，乃得食肉。」十五舉進士，授校書郎，集賢校理。遷著作佐郎，直史館。建隆三年，遷在拾遺，歷左補闕。開寶八年，通判定州，判太常禮院，領南平，以黃中為採訪使，廉直平恕，遠人便之。還奏利害數十事，皆稱旨。會克江表，選知宣州。太宗即位，禮部員外郎太平興國二年，知昇州。丁父憂，起復視事。五年，召歸闕，有薦黃中文學高第，召試中書，拜資部員外郎，知制誥。八年，與宋白、呂

遷

蒙正等同知貢舉，遷司封郎中，充翰林學士。雍熙二年，又知貢舉，做掌吏部，選端拱初，加中書舍人。二年，兼史館修撰。淳化二年秋，與李沆並拜給事中，參知政事。四年冬，與沆並罷守本官。明年知襄州，上言母老乞留京，改澧州。至道初，遷疾，詔令歸闕，特拜禮部侍郎，代至兼秘書監。黃中素嗜文籍，既居內閣，甚以為慰。二年以疾卒，年五十六。

又李宗諤傳曰：太平興國初，詔賈黃中集神醫普救。方宗諤暨劉錫、吳淑、呂文仲、杜鎬、舒雅皆預焉。

王應麟曰：太平興國六年十月丙戌，詔賈黃中等於崇文院編錄醫書。雍熙三年十月，纂成千卷，目錄十卷，名神醫普救。

方御製序

至道單方

佚

按右見于針灸資生經

陳氏堯叟集驗方

一卷

佚

宋史本傳曰陳堯叟字唐夫解褐光祿寺丞直史館與省華
同日賜緋遷秘書丞久之充三司河南東道判官時宋堯陳
穎民饑命堯叟及趙况等分振之再遷工部員外郎廣南西

路轉運使嶺南風俗病者禱神不服藥堯叟有集驗方刻石

桂州驛

王應麟曰天禧二年八月丁未內出陳堯叟所集方一卷示

輔臣上作序紀其事命有司刊板賜廣南官仍分給天下

朗氏簡集驗方

佚

宋志本傳曰朗簡字叔廉杭州臨安人幼孤貧借書錄之多
至成誦進士及第補試秘書省校書郎知寧國縣徙福清令
縣有石塘陂歲久湮塞募民浚築溉廢田百餘頃邑人為立
生祠調隨州推官及引對真宗曰簡歷官無過而無一人薦

是必怡於進者特改秘書省著作佐郎知分宜縣徙知貴州
 縣吏死子幼贊婚偽為券冒有其貨及子長屢訴不得直乃
 訟于朝下簡劾治簡示以舊牘曰此爾翁書耶曰然又取偽
 券示之弗類也始伏罪徙藤州與學士養士一變其俗藤自是
 始有舉進士者通判海州提點利州路刑獄官罷知泉州累
 遷尚書度支員外郎廣南東路轉運使擢秘書少監知廣州
 捕斬賊馮佐臣入判大理寺出知越州復歸判尚書刑部出
 知江寧府歷右諫議大夫給事中知揚州徙明州以尚書工
 部侍郎致仕祀明堂遷刑部卒年八十有九特贈吏部侍郎
 簡性和易喜賓客即錢塘城北治園廬自號武林居士道引

服餌晚歲顏如丹尤好醫術人有疾多自處方以療之有集
 驗方數十行于世一日謂其子紱曰吾退居十五年未嘗
 小不憚今意倦豈不逝歟就寢而絕

錢氏惟演葭中方舊闕撰

宋志一卷

佚

彭乘曰錢文僖公集葭中方蘇合香丸註云此藥本出禁中
 祥符中嘗賜近臣墨客揮犀

王氏表博濟方

宋志三卷讀書後志
作五卷

未見

晁公武曰王氏博濟方三卷皇朝太原王衮撰慶曆間因官
滑臺暇日出家藏七十餘方擇其善者為此書名醫云其方
用之無不效如草還丹治大風太乙丹治鬼胎尤奇驗文獻通考

○按今本讀
書志失載

陳振孫曰王氏博濟方三卷大原王衮撰慶曆七年序

四庫全書提要曰博濟方五卷宋王衮撰衮太原人其仕履
未詳惟即簡原序稱其嘗為錢塘酒官而已此書諸家書目
皆著錄惟宋史文志陳振孫書錄解題俱作三卷晁公武
讀書志作五卷稍有不同蓋三五字形相近傳寫者有一譌

也公武又稱衮於慶曆間因官滑臺暇日出家藏七十餘方
擇其善者為此書名醫云其方用之無不效如草還丹治大
風太乙丹治鬼胎尤奇驗今案衮自序有云鄉侍家君之任
滑臺道次得疾遇醫之庸者誤投湯劑疾竟不瘳據此則官
滑臺者乃衮之父而公武即以為衮殊為失考衮又言博採
禁方逾二十載所得方論凡七千餘道因於中擇其尤精要
者得五百餘首而公武乃云家藏七十餘方則又傳寫之誤
也原書又無傳本惟永樂大典內載有其文良輯編次共得
三百五十餘方視衮序所稱五百首者尚存十之七謹分五
三十五類依次排比從讀書志之目釐為五卷其中方藥多

他書所未備今雖不盡可施用而當時實著有奇效足為醫家觸類旁通之助惟頗好奇異往往雜以方術家言如論服杏仁則云彭祖夏姬高山四皓煉杏仁為丹王子晉服四十年而騰空丁令威服二十年而身飛此類殊誕存不足信今故取服食諸法編附卷末以著其謬俾讀者知所持擇焉

慶曆善救方

宋志一卷

佚

王安石後序曰孟子云先王有不忍人之心斯有不忍人之政臣某伏讀善救方而竊歎曰此可謂不忍人之政矣夫君

者制命者也推命而致之民者臣也君臣皆不失職而天下受其治方今之時可謂有君矣生養之德通乎四海至於蠻夷荒忽不救之病皆患有以救而存之而臣等雖賤實受命治民不推陛下之恩澤而致之民則恐得罪於天下而無所辭誅謹以刻石樹之縣門外左令觀赴者自得而不求有司云皇祐元年二月二十八日序 臨川文集

王應麟曰慶曆八年二月癸酉以南方病毒者之方標為頒善救方

馬端臨曰慶曆善救方一卷兩朝苑文志云詔以福州奏獄醫林士元藥下盡毒人以獲全錄其方今國醫類集附益八

年頒行

周氏應簡要濟衆方玉海曰一云廣濟

宋志五卷

佚

宋史仁宗紀曰皇祐三年五月乙亥頒簡要濟衆方命州縣長吏按方劑救民疾

蘇軾跋曰先朝值夷狄懷服兵革寢息而又體質柔俊在位四十有二年宮室苑囿無所益故民無暴賦而生齒歲登墜田日廣至於法令則去苛慘尚寬簡守令則進柔良退貪殘牛酒以禮高年粟帛以旌孝行廣惠以康惇獨寬恤以省力

役除身丁之算弛鹽權之令用能導迎休祥年穀登衍其裕民之德固已浹肌膚而滲骨髓矣然猶慊然憂下民之疾疹無良劑以全濟於是詔太醫集名方曰簡要濟衆方五卷三冊鐫板模印以賜郡縣俾人得傳錄用廣極療意欲錫以康寧之福隨之仁壽之域已而縣與律令同藏殆愈一紀窮達之民莫或聞知聖澤壅而不宣吏之罪也乃書以方版揭之通會不獨流傳民間疾病愈疾亦欲使人知上恩也後之君子儻不以爲誦歲一檢舉之使無遺毀焉東坡大全集
王應麟曰皇祐簡要濟衆方五卷皇祐中仁宗謂輔臣曰外無善醫其令太醫簡聖惠方之要者頒下諸道仍教長史極

濟令醫官使周應編三年頒行

按弟堅曰是書陳亮二氏並不著錄惟唐慎微劉元素
書引之而朝鮮國醫方類聚載藏府一類其方出聖惠
者僅黃芩散酸棗人丸砲砂丸三方餘皆彼書所無不
知何故也平胃散一方世為出局方不知其本於是書
自餘諸方亦多可資用者矣

司馬氏光醫問

宋志七卷

蘇軾司馬溫公
行狀作七篇

佚

葛氏懷敏神效備急單方

宋志一卷

佚

東都事略曰葛懷敏始以父蔭授西頭供奉官懷敏通時事
善希合故多薦其才者嘗為益州路提點刑獄知隰莫保雄
滄滌六州陝西用兵為涇原秦鳳經略安撫副使元昊寇鎮
戎軍賊引兵偽道懷敏遂率諸將趣定州環慶路都監劉質
以蕃兵五千與賊戰不勝而潰懷敏入保定川營涇原鈐轄
曹英又敗於砦之東北隅懷敏所部人奔駭懷敏為衆所擁
幾蹂踐死與至壘城乃蘇賊遂圍城懷敏與諸將謀赴鎮戎
軍賊斷其歸路與諸將思賊遂長驅直抵渭州初懷敏之除